



列傳卷第二百四十七

宋史四百八十八

開府儀同三司桂國錄軍國重事前中書丞相監修國史領經筵事都總裁臣脫脫奉

敕修

外國四

交趾

大理

交趾本漢初南越之地漢武平南越分其地為儋耳

珠崖南海蒼梧鬱林合浦交趾九真日南凡九郡置

交趾刺史以領之後漢置交州晉宋齊梁陳因之又

為交趾郡隋平陳廢郡置州煬帝初廢州置郡唐武

德中改交州總管府至德中改安南都護府梁貞明

中王豪曲承美專有其地送款於末帝因授承美節
鉞時劉隱擅命嶺表遣將李知順伐承美執之乃并
有其地後有楊延藝紹洪皆受廣南署繼爲交趾郡
度使紹洪卒州將吳昌岌遂居其位昌岌死其弟昌
文襲乾德初昌文死其參謀吳處珩峰州刺史矯知
護武寧州刺史楊暉牙將杜景碩等爭立管內一十
二州大亂部民嘯聚起爲寇盜攻交州先是楊延藝
以牙將丁公著攝驩州刺史兼禦蕃都督部領卽其
子也公著死部領繼之至是部領與其子璉率兵擊
敗處珩等賊黨潰散境內安堵交民德之乃推部領

爲交州帥號曰大勝王署其子璉爲節度使凡三年
遜璉位璉立七年聞嶺表平遂遣使貢方物上表內
附制以權交州節度使丁璉以檢校太師充靜海軍
節度使安南都護又詔以進奉使鄭琇王紹祚並爲
檢校左散騎常侍兼御史大夫八年遣使貢犀象香
藥朝廷議崇寵部領降制曰率土來王方推以恩信
舉宗奉國宜洽於封崇眷拱極之外臣舉顯親之茂
典爾部領世爲右族克保遐方夙慕華風不忘內附
屬九州混一五嶺廓清靡限溟濤樂輸琛賫嘉乃令
子稱吾列藩特被鴻私以旌義訓介爾眉壽服茲寵

章可授開府儀同三司檢校太師封交趾郡王太宗
卽位璉又遣使以方物來賀部領及璉旣死璉弟璿
尚幼嗣立稱節度行軍司馬權領軍府事大將黎桓
擅權樹黨漸不可制却遷璿於別第舉族禁錮之代
總其衆太宗聞之怒乃議舉兵太平興國五年秋詔
以蘭州團練使孫全興八作使張璿左監門衛將軍
崔亮爲陸路兵馬部署自邕州路入寧州刺史劉澄
軍器庫副使賈湜供奉官閤門祗候王僕爲水路兵
馬部署自廣州路入是冬黎桓遣牙校江巨湟齎方
物來貢仍爲丁璿上表曰臣族本蠻酋辟處海裔修

職貢於宰旅假節制於方隅臣之父兄代承闡寄謹
保封略罔敢怠違爰暨淪亡將墜堂構將吏耆耄乃
屬於臣俾權軍旅之事用安夷落之衆土俗獷悍懇
請愈堅拒而弗從慮其生變臣已攝節度行軍司馬
權領軍府事願賜真秩令備列藩干冒宸康伏增震
越上察其欲緩王師寢而不報王師進討破賊萬餘
衆斬首二千餘級六年春又破賊於白藤江口斬首
千餘級獲戰艦二百艘甲冑萬計轉運使侯仁寶率
前軍先進全興等頓兵花步七十日以候澄仁寶累
促之不進及澄至并軍由水路至多羅村不遇賊復

擅迴花步桓詐降以誘仁寶遂爲所害轉運使許仲
宣馳奏其事遂班師上遣使就劾澄湜僕澄尋病死
戮湜等邕州市全興至闕亦下吏誅餘抵罪有差仁
寶贈工部侍郎七年春桓懼朝廷終行討滅復以丁
璿爲名遣使貢方物上表謝罪八年桓自稱權交州
三使留後遣使貢方物并以璿表來上帝賜桓詔曰
丁氏傳襲三世保據一方卿旣受其倚毗爲之心膺
克狗邦人之請無負丁氏之心朕且欲令璿爲統帥
之名卿居副貳之任割裁制置悉繫於卿俟丁璿旣
冠有所成立卿之輔翼令德彌光崇獎忠勲朕亦何
吝若丁璿將材無取童心如故然其奕世紹襲載綿
星紀一旦捨去節鉞降同士伍理旣非便居亦靡安
詔到卿宜遣丁璿母子及其親屬盡室來歸俟其入
朝便當揆日降制授卿節旄凡茲兩途卿宜審處其
一丁璿到京必加優禮今遣供奉官張宗權齎詔諭
旨當悉朕懷亦賜璿詔書如旨時黎桓已專據其土
不聽命是歲五月上言占城國水陸象馬數萬來寇
率所部兵擊走之俘斬千計雍熙二年遣牙校張紹
馮阮伯簪等貢方物繼上表求正領節鎮三年秋又
遣使貢方物儋州言占城國人蒲羅遏率其族百餘

衆內附言爲交州所逼故也是歲十月制曰王者懋
建皇極寵綏列藩設邸京師所以盛會同之禮胙土
方面所以表節制之雄矧茲跼鳶之隅克修設羽之
貢式當易帥爰利建侯不忘請命之恭用舉醜勞之
典權知交州三使留後黎桓兼資義勇特稟忠純能
得邦人之心彌謹藩臣之禮往者丁璿方在童幼昧
於撫綏桓乃肺腑之親專掌軍旅之事號令自出威
愛並行璿盡解三使之權以徇衆人之欲遠輸誠款
求領節旄士燮彊明化越俗而咸又尉佗恭順稟漢
詔以無違宜正元戎之稱以列通侯之貴控撫夷落

對楊天休可檢校太保使持節都督交州諸軍事安
南都護克靜海軍節度交州管内觀察處置等使封
京兆郡侯食邑三千戶仍賜號推誠順化功臣遣左
補闕李若拙國子博士李覺爲使以賜之端拱元年
加桓檢校太尉進邑千戶實封五百戶遣戶部郎中
魏庠虞部員外郎直史館李度往使焉淳化元年夏
加桓特進邑千戶實封四百戶遣左正言直史館宋
鎬右正言直史館王世則又使焉明年六月歸闕上
令條列山川形勢及黎桓事迹以聞鎬等具奏曰去
歲秋末抵交州境桓遣牙內都指揮使丁承正等以

船九艘卒三百人至太平軍來迎由海口入大海冒涉風濤頗歷危險經半月至白藤徑入海汊乘潮而行凡宿泊之所皆有茅舍三間營葺尚新目爲館驛至長州漸近本國桓張皇虛誕務爲誇詫盡出舟師戰權謂之軍自是宵征抵海岸至交州僅十五里有茅亭五間題曰茅徑驛至城一百里驅部民畜產妄稱官牛數不滿千揚言十萬又廣率其民混於軍旅以雜色之衣乘船鼓譟近城之山虛張白旗以爲陳兵之象俄而擁從桓至展郊迎之禮桓歛馬側身問皇帝起居畢按轡偕行時以檳榔相遺馬上食之此

風俗待賓之厚意也城中無居民止有茅竹屋數十百區以爲軍營而府署湫隘題其門曰明德門桓質陋而目眇自言近歲與蠻寇接戰墜馬傷足受詔不拜信宿之後乃張筵飲宴又出臨海汊以爲娛賓之遊桓跣足持竿入水標魚每十魚左右皆叫譟歡躍凡有晏會預坐之人悉令解帶冠以帽子桓多衣花纈及紅色之衣帽以真珠爲飾或自歌勸酒莫能曉其詞嘗令數十人扛大蛇長數丈饋於使館且曰若能食此當治之爲饌以獻焉又羈送二虎以備縱觀皆却之不受士卒殆三千人悉獻其額曰天子軍

親以木穗日給令自春爲食兵器上有弓弩木牌校槍竹槍弱不可用桓輕佻殘忍昵比小人腹心闇豎五七輩錯立其側好狎飲以令爲樂凡官屬善其事者擢居親近左右有小過亦赦之或鞭其背一百至二百賓佐小不如意亦捶之三十至五十黜爲閹吏怒息乃召復其位有木塔其制樸陋桓一日請同登遊覽地無寒氣十一月猶衣夾衣揮扇云四年進封桓交趾邵王五年遣牙校費崇德等來修職貢然桓性本克狼負阻山海屢爲寇害漸失藩臣禮至道元年春廣南西路轉運使張勰欽州如洪鎮兵馬

押衛昭美皆上言有交州戰船百餘艘寇如洪鎮居民劫廩實而去其夏桓所管蘇茂州又以鄉兵五千寇邕州所管緣山都巡檢楊文傑擊走之太宗志在撫寧荒服不欲問罪觀又言風聞黎桓爲丁氏斥逐擁餘衆山海間失其所據故以寇鈔自給今則桓已死觀仍上表稱賀詔太常丞陳士隆高品武元吉奉使嶺南因偵其事士隆等復命所言與觀同其實桓尚存而傳聞者之誤觀等不能審覈未幾有大賈自交趾回具言桓爲帥如故詔劾觀等會觀病卒昭美士隆元吉抵罪先是欽州如洪咄步如昔等三鎮

皆瀕海交州潮陽民十文勇等殺人并家亡命至如昔鎮鎮將黃令德等匿之桓令潮陽鎮將黃成雅移牒來捕令德固不遣因茲海賊連年剽掠二年以工部員外郎直史館陳堯叟爲轉運使因賜桓詔書堯叟始至遣攝雷州海康縣尉李建中賫詔勞問桓堯叟又至如昔詰得匿文勇之由盡擒其男女老少一百三十口召潮陽鎮吏付之且戒勿加酷法成雅得其人以狀謝堯叟桓遂上章感恩并捕海賊二十五人送于堯叟且言已約勒谿洞首領不得騷動七月太宗遣主客郎中直昭文館李若拙賫詔書充國信

表稱謝九年詔郤安南所貢象以其無用而煩民他物亦止受什一十六年累加龍翰守義奉國履常懷德功臣光宗卽位奉表入貢稱賀寧宗朝賜衣帶器幣累加謹度思忠濟美勤禮保節歸仁崇讓協恭功臣及食邑焉嘉定五年龍翰卒詔以廣西運判陳孔碩充弔祭使特贈侍中依前安南國王制以其子吳昂襲封其爵位給賜如龍翰始封之制仍賜推誠順化功臣其後謝表不至遂輟加恩吳昂卒無子以女昭聖主國事遂爲其婿陳日照所有李氏有國自公蘊至吳昂凡八傳二百二十餘年而國亡淳祐二年

詔安南國王陳日照元賜効忠順化保節功臣增守
義二字寶祐六年詔安南情狀叵測申飭邊備景定
二年貢象二三年表乞世襲詔日照授檢校太師安
南國大王加食邑男威晃授靜海軍節度使觀察處
置使檢校太尉兼御史大夫上柱國安南國王効忠
順化功臣賜金帶噐幣鞍馬咸淳五年詔安南國王
父日照國王威晃加食邑八年明堂禮成日照威晃
各加食邑賜鞍馬等物

大理國卽唐南詔也熙寧九年遣使貢金裝碧玕山
羶麝刀劔犀皮甲鞍轡自後不常來亦不領於鴻臚

集等數百人來投有詔慰撫遣還本道廣南西路言
黎桓迎受官告使黃成雅附奏自今國朝加恩願遣
使至本道以寵海裔先是使至交州桓卽以供奉爲
辭因緣賦歛上聞之止令疆吏召授命不復專使景
德元年又遣其子攝驩州刺史明提來貢懇求加恩
使至本道慰撫遐裔許之仍以明提爲驩州刺史二
年上元節賜明提錢令與占城大食使觀燈宴飲因
遣工部員外郎邵擘充國信使三年桓卒立中子龍
鉞龍鉞兄龍全却庫財而遁其弟龍延殺龍鉞自立
龍延兄明護率扶闌砦攻戰明提以國亂不能還特

詔廣州優加資給知廣州凌策等言桓諸子爭立衆
心離叛頭首黃慶集黃秀蠻等千餘人以不從驅率
戮及親族來投廉州請發本道二千入平之慶集等
願爲前鋒上以桓素忠順屢修職貢今幸亂而伐喪
不可就改國信使邵曄爲緣海安撫使令曉譬之慶
集等仍計口賜田糧曄乃貽書交州諭以朝廷威德
如其自相魚肉久無定位偏師問罪則黎氏盡滅矣
明護懼卽奉龍廷主軍事龍廷自稱節度開明王遂
欲修貢曄以聞上曰遐荒異俗不曉事體何足恠也
令削去僞官曄又言頭首黃慶集先避亂歸化其種

族尚多若復遣還慮遭屠戮詔以慶集隸三班釐務
于郴州遂許入貢四年龍廷稱權安南靜海軍留後
遣弟峯州刺史明昶副使安南掌書記殿中丞黃成
雅等來貢會含光殿大宴上以成雅坐遠欲稍升位
箸訪於宰相王旦旦曰昔子產朝周周王饗以上卿
之禮子產固辭受下卿之禮而還國家惠綏遠方優
待客使固無嫌也乃升成雅于尚書省五品之次詔
拜龍廷特進檢校太尉充靜海軍節度觀察處置等
使安南都護兼御史大夫上柱國仍封交阯郡王食
邑三千戶食實封一千戶賜推誠順化功臣仍賜名

至忠給以旌節又追贈桓中書令南越王進奉使黎
明昶等並進秩大中祥符元年天書降加翊戴功臣
食邑七百戶實封三百戶東封畢加至忠同平章事
食邑一千戶食實封四百戶二年廣南西路言蠻人
劫海口蠻戶如洪砦主李文著以輕兵襲逐中流矢
歿詔督安南捕賊明年執狄獠十三人以獻至忠又
遣推官阮守疆以犀角象齒金銀紋縵等來貢并獻
馴犀一上以犀違土性不可養畜卻不納又以逆至
忠意使者既去乃令縱之海溢三年遣使來朝表求
甲冑具裝詔從其請又求互市于邕州本道轉運使

以聞上曰瀕海之民數患交州侵寇仍前止許廉州
及如洪砦互市蓋爲邊隅控扼之所今或直趨內地
事頗非便詔令本道以舊制諭之至忠纔年二十六
苛虐不法國人不附大校李公蘊尤爲至忠親任嘗
令以黎爲姓其年遂圖至忠逐之殺明提昶等自
稱留後遣使貢奉上曰黎桓不義而得公蘊尤而効
之甚可惡也然以其蠻俗不足責遂用桓故事制授
特進檢校太傅充靜海軍節度觀察處置等使安南
都護兼御史大夫上柱國封交阯郡王食邑三千戶
實封一千戶賜推誠順化功臣公蘊又表求太宗御

書詔賜百軸四年祀汾陰后土公蘊遣節度判官梁
任文觀察巡官黎再巖以方物來貢禮成加公蘊同
平章事食邑一千戶實封四百戶任文等並優進秩
五年夏以進奉使李仁美爲誠州刺史陶慶文爲太
常丞其從隸有道病歿者所賜附還其家是冬聖祖
降加公蘊開府儀同三司食邑七百萬戶實封三百戶
賜翊戴功臣七年春又加保節守正功臣食邑一千
戶實封四百戶詔交趾諸國使入貢者所在館餼供
億務令豐備其年遣知唐州刺史陶碩等來貢詔以
碩爲順州刺史充安南靜海軍行軍司馬副使吳懷

副爲澄州刺史充節度副使先是交州狄獠張婆看
避罪來奔知欽州穆重穎召之至中路復拒焉都巡
檢臧嗣遂令如洪砦犒以牢酒交州偵知其事因捕
狄獠故鈔如洪砦掠人畜甚衆詔轉運司督公蘊追
索仍令疆吏自今不得誘召蠻獠致生事公蘊或間
歲或仍歲以方物入貢天禧元年進封公蘊南平王
加食邑一千戶實封四百戶二年加檢校太尉食邑
一千戶實封四百戶每加恩旨遣使將命至其境上
仍賜噐幣襲衣金帶鞍馬馬仁宗卽位加公蘊檢校
太師遣長州刺史李泰都護副使阮守疆來貢天

聖六年遣驩州刺史李公顯來貢除叙州刺史既而令其子弟及其婿申承貴率衆內寇詔廣南西路轉運司發溪峒丁壯討捕之未幾卒年四十四其子德政自稱權知留後事來告哀贈公蘊爲侍中南越王命本路轉運使王惟正爲祭奠使又爲賜官告使除德政檢校太尉靜海軍節度使安南都護交趾郡王天聖九年遣知峯州刺史李偓佺知愛州刺史帥日新等來謝以偓佺爲驩州刺史日新爲珍州刺史明道元年恭謝加同中書門下平章事景祐中郡人陳公永等六百餘人內附德政遣兵千餘境上捕逐之

詔遣還仍戒德政毋得輒誅殺尋遣靜海軍節度判官陳應機掌書記王惟慶來貢以應機爲太子中允惟慶爲大理寺丞德政加檢校太師三年其甲峒及諒州門州蘇茂州廣源州大發峒丹波縣蠻寇邕州之思陵州西平州石西州及諸峒略居人馬牛焚室廬而去下詔責問之且令捕酋首正其罪已聞寶元元年進封南平王康定元年遣知峯州刺史帥用和節度副使杜猶興等來貢慶曆三年又遣節度副使杜慶安三班奉職梁材來以慶安爲順州刺史材爲太子左監門率府率六年又遣兵部員外郎蘇仁祚

東頭供奉官陶惟懼來以仁祚爲工部郎中惟懼爲
內殿崇班明年又遣祕書丞杜文府左侍禁文昌來
以文府爲屯田員外郎昌爲內殿崇班初德政發兵
取占城朝廷疑其內畜姦謀乃訪自唐以來所通道
路凡十六處令轉運使杜杞度其要害而戍守之然
其後亦未嘗寇邊前後累貢馴象皇祐二年邕州誘
其蘇茂州韋紹嗣紹欽等三千餘人入居省地德政
表求所誘詔盡還之仍令德政約束邊戶毋相侵犯
其後廣源州蠻儂智高反德政率兵二萬由水路欲
入助王師朝廷優其賜而卻其兵至和二年卒其子

日尊遣人告哀命廣南西路轉運使尙書屯田員外
郎蘇安世爲弔贈使贈德政爲侍中南越王賻賚甚
厚尋除日尊特進檢校太尉靜海軍節度使安南都
護封交阯郡王嘉祐三年貢異獸二四年寇欽州思
稟管五年與甲峒賊寇邕州詔知桂州蕭固發部兵
與轉運使宋咸提點刑獄李師中同議掩擊又詔安
撫使余靖等發兵捕討靖遣謀誘占城同廣南西路
兵甲趨交阯日尊惶怖上表待罪詔未得舉兵聽日
尊貢奉至京師八年遣文思使梅景先副使大理評
事李繼先貢馴象九年四月慮寅以大行皇帝詔及

遺留物賜日尊加同中書門下平章事是日交阯使
辭命內侍省押班李繼和喻以申紹泰入寇本路屢
乞討伐而朝廷以紹泰一夫肆狂又本道已遣使謝
罪故未欲興兵治平初知桂州陸誥言交州來求僮
宗旦男日新及欲取温悶洞等地帝問交阯於何年
割據輔臣對曰自唐至德中改安南都護府梁貞明
中土豪曲承美專有此地韓琦曰向以黎桓叛命太
宗遣將討伐不服後遣使招誘始效順交州山路嶮
僻多潦霧瘴毒之氣雖得其地恐不能守也神宗卽
位進封日尊南平王熙寧元年加開府儀同三司二

年表言占城國久闕貢臣親帥兵討之虜其王詔以
其使郭士安爲六宅副使陶宗元爲內殿崇班日尊
自帝其國僭稱法天應運崇仁至道慶成龍祥英武
睿文尊德聖神皇帝尊公蘊爲太祖神武皇帝國號
大越改元寶象又改神武五年三月日尊辛命廣西
轉運使康衛爲弔贈使予所奪州縣詔報之曰卿撫
有南交世受王爵而乃背德奸命竊暴邊城棄祖考
忠順之圖煩朝廷討伐之舉師行深入勢蹙始歸迹
其罪尤在所絀削今遣使修貢上章致恭詳觀詞情
灼見悛悔朕撫綏萬國不異邇遐但以邕欽之民遷

劫炎阨久失鄉井俟盡送還省界卽以廣源等賜交州乾順初約歸三州官吏千人久之才送民二百二十一口男子年十五以上皆刺額曰天子兵二十以上曰投南朝婦人刺左手曰官客以舟載之而泥其戶牖中設燈燭日行一二十里則止而僞作更鼓以報凡數月乃至蓋以給示海道之遠也順州落南深置戍鎮守被雁獮霧多病沒陶弼亦終於官朝廷知其無用乃悉以四州一縣還之然廣源舊隸邕管羈縻本非交趾所有也元豐五年獻馴象二犀角象齒百六年以追捕儂智會爲辭犯歸化州又遣其臣黎

文盛來廣西辨理順安歸化境界經略使熊本遣左江巡檢成卓與議文盛稱陪臣不敢爭執詔以文盛能遵乾德恭順之意賜之袍帶及絹五百匹乃以八隘之外保樂六縣宿桑二峒予乾德哲宗立加同中書門下平章事元祐中又數上表求勿惡勿陽峒地詔不許三年遣使入貢進封南平王徽宗時累加開府儀同三司檢校太師大觀初貢使至京乞市書籍有司言法不許詔嘉其慕義除禁書卜筮陰陽曆筭術數兵書敕令時務邊機地理外餘書許買政和末又詔以交人自熙寧以來全不生事特寬和市之禁

宣和元年加乾德守司空建炎元年詔廣西經略安撫司禁邊民毋受安南逋逃從其主乾德之請也四年安南入貢詔却其方物之華靡者賜敕書厚其報以懷柔之紹興二年乾德卒贈侍中追封南越王子陽煥嗣授靜海軍節度使特進檢校太尉封交阯郡王賜推誠順化功臣八年陽煥卒以轉運副使朱芾充弔祭使賜陽煥開府儀同三司追封南平王子天祚嗣授官如其父初封之制九年詔廣西帥司毋受趙智之入貢初乾德有側室子奔大理變姓名爲趙智之自稱平王聞陽煥死大理遣歸與天祚爭立求

入貢欲假兵納之帝不許十七年詔文思院製鞍轡以賜天祚二十一年累加天祚崇義懷忠保信鄉德安遠承和功臣二十五年詔館安南使者於懷遠驛賜宴以彰異數進封天祚南平王賜襲衣金帶鞍馬二十六年命右司郎中汪應辰宴安南使者於玉津園八月天祚遣李國等以金珠沉水香翠羽良馬馴象來貢詔加天祚檢校太師增食邑隆興二年天祚遣尹子思鄧碩儼等貢金銀象齒香物乾道六年累加天祚歸仁協恭繼美遵度履正彰善功臣帝自卽位屢却安南貢使九年天祚復遣尹子思李邦正求

入貢帝嘉其誠許之詔館於懷遠驛廣南西路經略安撫使范成大言本司經略諸蠻安南在撫綏之內其陪臣豈得與中國王官亢禮政和間貢使入境皆庭參不復報謁宜遵舊制於禮爲得朝廷從其請淳熙元年二月進封天祚安南國王加號守謙功臣二年賜安南國印三年賜安南國曆日天祚卒明年子龍幹嗣位授靜海軍節度使觀察處置等使特進檢校太尉兼御史大夫上柱國特封安南國王加食邑仍賜推誠順化功臣制曰卽樂國以肇封旣從世襲極真王而錫命何待次升示殊禮也五年貢方物上

表稱謝九年詔卻安南所貢象以其無用而煩民他物亦止受什一十六年累加龍幹守義奉國履常懷德功臣光宗卽位奉表入貢稱賀寧宗朝賜衣帶器幣累加謹度思忠濟美勤禮保節歸仁崇謙協恭功臣及食邑焉嘉定五年龍幹卒詔以廣西運判陳孔碩充弔祭使特贈侍中依前安南國王制以其子吳昂襲封其爵位給賜如龍幹始封之制仍賜推誠順化功臣其後謝表不至遂輟加恩吳昂卒無子以女昭聖主國事遂爲其婿陳日昷所有李氏有國自公蘊至吳昂凡八傳二百二十餘年而國亡淳祐二年

詔安南國王陳日昷元賜効忠順化保節功臣增守
義二字寶祐六年詔安南情狀叵測申飭邊備景定
二年貢象二三年表乞世襲詔日昷授檢校大師安
南國大王加食邑男威晃授靜海軍節度使觀察處
置使檢校太尉兼御史大夫上柱國安南國王効忠
順化功臣賜金帶器幣鞍馬咸淳五年詔安南國王
父日昷國王威晃加食邑八年明堂禮成日昷威晃
各加食邑賜鞍馬等物人貢財賦之類
大理國卽唐南詔也熙寧九年遣使貢金裝碧珎山
氈罽刀劔犀皮甲鞍轡自後不常來亦不領於鴻臚

政和五年廣州觀察使黃璘奏南詔大理國慕義懷
徠願爲臣妾欲聽其入貢詔璘置局於賓州凡有奏
請皆俟進止六年遣進奉使天駟爽彥賁李紫琮副
使坦綽李伯祥來詔璘與廣東轉運副使徐惕偕詣
闕其所經行令監司一人主之道出荆湖南當由邵
州新化縣至鼎州而璘家潭之湘鄉轉運判官喬方
欲媚璘乃排比由邵至潭由潭至鼎一路御史劾其
當農事之際而觀望勞民詔罷方紫琮等過鼎聞學
校文物之盛請於押伴求詣學瞻拜宣聖像邵守張
察許之遂往遍謁見諸生又乞觀御書閣舉笏叩首

七年二月至京師貢馬三百八十四匹及麝香牛黃細
氈碧玕山諸物制以其王段和譽爲金紫光祿大夫
檢校司空雲南節度使上柱國大理國王朝廷以爲
璘功并其子暉昨皆遷官少子暉爲閣門宣贊舍人
已而知桂州周種劾璘詐冒璘得罪自是大理復不
通於中國間一至黎州互市紹興三年十月廣西奏
大理國求入貢及售馬詔卻之不欲以虛名勞民也
朱勝非奏曰昔年大理入貢言者深指其妄黃璘由
是獲罪帝曰遐方異域何由得實但讎當其馬價則
馬方至用益騎兵不爲無補也六年七月廣西經略
安撫司奏大理復遣使奉表貢象馬詔經略司護送
行在優禮答之九月翰林學士朱震上言乞諭廣西
帥臣凡市馬當擇謹厚者任之毋遣好功喜事之人
以啓邊釁異時南北路通則漸減廣西市馬之數庶
幾消患於未然詔從之淳熙二年十一月知靜江府
張栻申嚴保伍之禁又以邕管戍兵不能千人左右
江峒丁十餘萬每峙以爲藩蔽其邕州提舉巡檢官
宜精其選以撫峒丁欲制大理當自邕管始云

列傳卷第二百四十七

列傳卷第二百四十八

宋史四百八十九
開府儀同三司在國錄軍國軍事前書右丞相監修國史領經筵事都總裁
勅修
外國五
占城
真臘
蒲甘
邈黎
三佛齊
閩婆
勃泥
注輦
丹眉流

列傳卷第二百四十八 宋史四百八十九

開府儀同三司在國錄軍國軍事前書右丞相監修國史領經筵事都總裁

外國五

占城 真臘 蒲甘 邈黎

三佛齊 閩婆 勃泥 注輦

丹眉流

占城國在中國之西南東至海西至雲南南至真臘
國北至驩州界汎海南去三佛齊五日程陸行至賓
陀羅國一月程其國隸占城馬東去麻逸國二日程

蒲端國七日程北至廣州便風半月程東北至兩浙
一月程西北至交州兩日程陸行半月程其地東西
七百里南北二千里南曰施備州西曰上源州北曰
烏里州所統大小州三十八不盈二萬家其國無城
郭有百餘村村落戶三五百或至七百亦有縣鎮之
名上地所出箋沉香檳榔烏楠木蘇木白藤黃蠟吉
貝花布絲絞布白氍布藤篋貝多葉簞金銀鐵錠等
物五穀無麥有秔米粟豆麻子官給種一斛計租百
斛果實有蓮甘蔗蕉子椰子鳥獸多孔雀犀牛畜產
多黃牛水牛而無驢亦有山牛不任耕耨但殺以祭

鬼將殺令巫祝之曰阿羅和及技譯云早教他託主
民獲犀象皆輸于王國人多乘象或軟布氍或於交
州市馬頗食山羊水兒之肉其風俗衣服與大食國
相類無絲蠶以白氍布纏其冑垂至於足衣衫窄袖
撮髮為髻散垂餘鬢於其後互市無緡錢止用金銀
較量錙銖或吉貝錦定博易之直樂器有胡琴笛鼓
大鼓樂部亦列舞人其王腦後鬢髻散披吉貝衣戴
金花冠七寶裝纓絡為飾脛股皆露躡革履無襪婦
人亦腦後撮髻無笄梳其服及拜揖與男子同王每
日午坐憚官屬謁見膜拜一而止白晝畢後膜拜一

而退或出遊者象米獵觀漁皆數日方還近則乘軟
布兜遠則乘象或乘一木扛四人昇之先令一人持
檳榔盤前導從者十餘輩各執弓箭刀槍手牌等其
民望之膜拜一而止日或一再出每歲稻熟王自刈
一把從者及郡婦女競割之其王或以兄為副王或
以弟為次王設高官凡八員東西南北各二分治其
事無奉祿令其所管土俗資給之別置文吏五十餘
員有郎中員外秀才之稱分掌資儲寶貨等事亦無
資奉但給龜魚克食及免調役而已又有司幣廩者
十二員主軍卒者二百餘員皆無月奉勝兵萬餘人

月給秬米二斛冬夏衣布各二匹至五匹每夕唯王
升床而卧諸臣皆寢于地蓐親近之臣見王即胡跪
作禮稍疎遠者但拱手而已其風俗正月一日牽象
周行所居之地然後驅逐出郭謂之逐邪四月有遊
船之戲定十一月十五日為冬至人皆相賀州縣以
土產物帛獻其王每歲十二月十五日城外縛木為
塔王及人民以衣物香藥置塔上焚之以祭天人有
疾病旋采生藥服食地不產茶亦不知醞釀之法止
飲椰子酒兼食檳榔刑禁亦設枷鎖小過以四人拽
伏於地藤杖鞭之二人左右更互捶扑量其或五六

十至一百當死者以繩繫於樹用梭槍齊喉而殊其首若故殺劫殺令象踏之或以鼻卷撲于地象皆素習將刑人卽令豢養之以數諭之悉能曉焉犯姦者男女共入牛以贖罪負國王物者以繩拘於荒塘物充而後出之其國前代罕與中國通周顯德中其王釋利因德漫遣其臣莆訶散貢方物有雲龍形通犀帶菩薩石又有薔薇水灑衣經歲香不散猛火油得水愈熾皆貯以瑠璃瓶建隆二年其王釋利因陀盤遣使莆訶散來朝表章書于貝多葉以香木函盛之貢犀角象牙龍腦香藥孔雀四大食瓶二十使廻錫

賚有差以器幣優賜其王三年又貢象牙二十一株乳香十斤乾德四年其王悉利因陀盤遣使因陀玢李帝婆羅貢馴象牯羣象牙曰鬣歌縵越誥王妻波良僕瑁男占謀律秀瓊等各貢香藥五年又遣使李咩季被瑳相繼來貢獻開寶二年遣使貢方物雌象一四年悉利多盤副國王李耨王妻郭氏子蒲路鷄波羅等並遣使來貢五年其王波美稅褐印茶遣使莆訶散來貢六年又貢七年又貢孔雀傘二西天帟鐵四十斤九年遣使朱陀利陳陀野等來貢太平興國二年其王波美稅陽布印茶遣使李牌來貢三年

其王及男達智遣使來貢四年遣使李木吒哆來貢
六年交州黎桓上言欲以占城俘九十三人獻于京
師太宗令廣州止其俘存撫之給衣服資糧遣還占
城詔諭其王七年遣使乘象入貢詔留象廣州畜養
之八年獻馴象能拜伏詔留於京畿寧陵縣雍熙二
年其王施利陀盤吳日歡遣婆羅門金歌麻獻方物
且訴爲交州所侵詔答令保國睦鄰三年其王劉繼
宗遣使李朝仙來貢儋州上言占成人蒲羅遏爲交
州所逼率其族百口來附四年秋廣州上言雷恩州
關送占城夷人斯田李娘并其族一百五十人來歸

分隸南海清遠縣端拱元年廣州又言占城夷人忽
宣等族三百一人來附淳化元年新王陽陀排自稱
新坐佛逝國楊陀排遣使李臻貢馴犀方物表訴爲
交州所攻國中人民財寶皆爲所略上賜黎桓詔令
各守境三年遣使李良莆貢方物賜其王白馬二匹
噐等本國僧淨戒獻龍腦金鈴銅香爐如意等各優
賜之至道元年正月其王遣使來貢奉表言前進奉
使李良莆迴伏蒙聖慈賜臣細馬二疋旗五面銀裝
劍五口銀纏槍五條弓弩各五張及箭等戴恩感懼
稽首稽首臣生長外國夙遠天都竊承皇帝聖明威

德廣大臣不憚介居海裔遣使入朝皇帝不棄蠻夷
山國曲加優賜然臣自爲土長聲勢尚卑常時外國
頗相侵撓况以前民庶如芥隨風星散流離各不自
保近蒙皇帝賜臣內閑駟駿及旗幟兵器等隣國聞
之知臣荷大國之寵而各懼天威不敢謀害今臣一
國安寧流民來復若非皇帝天德如護何以至此臣
之一國仰望仁聖覆之如天載之如地臣自思惟鴻
恩不淺且自天子之都至臣所居之國涉海綿邈不
啻數萬里而所賜之馬及器械等並安全而至皆聖
德之所及也自前本國進奉未嘗有旌旗弓矢之賜

臣今何幸獨受異恩此蓋天威廣被壯臣土疆臣雖
殞身無以上報無臣貢使往復資給備至恩重山岳
不可具陳今特遣專使李波珠副使訶散判官李磨
勿等進奉犀角十株象牙三十株玳瑁十斤龍腦二
斤沉香百斤夾箋黃熟香九十斤檀香百六十斤山
得雞二萬四千三百雙胡椒二百斤簾席五前件物
固非珍竒惟表誠懇臣生居異域幸遇明時不貴殊
珍惟重良馬儻皇帝念及外國不罪懇求若使介南
歸願垂頒賜臣之幸矣兼臣本國元有流民三百散
居南海曾蒙聖旨許令放還今有猶在廣州者本國

舊有進奉夷人羅常占見駐廣州乞詔本州盡數點
集兵籍以付常占令造船船乘便風部領歸國冀得
安其生聚以實舊疆至於萬里感恩一心事上臣之
志也上覽表遣使詣廣州詢問願還者悉付波珠使
還復賜白馬二遂爲常制咸平二年其王楊普俱毗
茶逸施崑遣使朱陳堯副使蒲薩陀婆判官黎姑倫
以犀象玳瑁香藥來貢賜堯等冠帶衣褥有差景德
元年又遣使來貢詔以良馬介冑戎器等賜之四年
遣使布祿爹地加等奉表來朝表函藉以文錦詞曰
占城國王楊普俱毗茶室崑頓首言臣聞二帝封疆

南止屆于湘楚三王境界北不及於幽燕仰矚昌時
實邁往跡伏惟皇帝陛下乾坤授氣日月儲英出震
居尊承基御極慈悲敷於天下聲教被於域中業茂
前王功考祖后蒼生是念黃屋一非心無方不是生靈
有土並爲臣妾真風遍布霈澤周行凡沐照臨共增
聳并臣生于邊鄙幸襲華風蟻垤蜂房聊爲遂性龍
樓鳳閣尚阻觀光再念自假天威獲全封部隣無侵
奪俗有舒蘇每歲拜遣下臣問寧上國家陛下恩霏
行藁福及豚魚特因迴人頒賜戎器臣本王惟望闕
焚香歡呼拜受心知多幸曷答洪恩聖君既念於賓

王微懇肯忘於述職今遣專信臣布祿爹地加副使
臣除通麻鞍珈耶判官臣皮霸抵一行人力等部署
土毛遠克歲貢雖表楚茅之禮實懷魯酒之憂度望
睿明甫寬譴戮專信臣等迴日軍容器仗耀武之物
伏願重加賜賚蓋念忝為臣子合告君親服飾車輿
威儀斧鉞不敢私制惟望恩頒干冒晁晷不任死罪
布祿爹地加言本國舊隸交州後奔于佛遊近去舊
所七百里使還賜物甚厚大中祥符三年國主施離
霞離鼻麻底遣使朱厚禮來貢四年遣使貢師子詔
畜于苑中使者留二蠻人以給養養上憐其懷土厚

給資糧遣還八年遣使波輪訶羅帝來貢訶羅帝因
上言有弟陶珠項自交州押馴象赴闕今幸得見欲
携以還許之仍賜陶珠衣幣裝錢天禧二年其王尸
嘿排摩慄遣使羅皮帝加以象牙七十二株犀角八
十六株玳瑁千片乳香五十斤丁香花八十斤荳蔻
六十五斤沉香百斤箋香二百斤別箋一劑六十八
斤茴香百斤檳榔千五百斤來貢羅皮帝加言國人
請廣州或風漂船至石塘卽累歲不達矣三年使還
詔賜尸嘿排摩慄銀四千七百兩并戎器鞍馬海上
又有蒲端國二麻蘭國勿巡國蒲婆衆國大中祥符

四年祀汾陰並遣使來貢先是咸平景德中蒲端國
主其陵數遣使來貢方物及獻紅鸚鵡其後國主悉
離琵琶大遐至亦以金版鑄表來上其使已絮漢上言
伏見詔旨給賜占城使鞍勒馬大神旗各二乞如恩
例有司以蒲端在占城下請賜雜綵小旗五從之天
聖八年十月占城王陽 施離皮蘭德加拔麻疊
遣使李蒲薩麻瑕施琵琶來貢木香玳瑁乳香犀角象
牙慶歷元年九月廣東商人邵保見軍賊鄂鄰百餘
人在占城轉運司選使臣二人賚詔書器幣賜占城
購鄰致闕下餘黨令就戮之明年十一月其王刑不

施離值星霞弗遣使獻馴象三皇祐二年正月又使
俱舍喇波徵收羅婆麻提楊卜貢象牙二百一犀角
七十九表二通一以本國書一以中國書五年四月
其使蒲思馬應來貢方物嘉祐元年閏三月其使蒲
思施琵琶貢方物還至太平州江岸崩沉失行橐明年
正月詔廣州賜銀千兩六年九月又獻馴象七年正
月廣西安撫經略司言占臘素不習兵與交趾鄰常
苦侵軼而占城復近修武備以抗交趾將繇廣東路
入貢京師望撫以恩信五月其使頓琵琶尼來貢方物
六月賜其王施里律茶盤麻常楊溥白馬一從其求

也熙寧元年其王楊卜尸利律陀般摩提婆遣使貢
方物乞市驛馬詔賜白馬一令於廣州買騾以歸五
年貢瑠璃珊瑚酒器龍腦乳香丁香華燈茄紫礦七
年交州李乾德言其王領兵三千人并妻子來降以
正月至本道九年復遣使來言其國自海道抵真臘
一月程西北抵交州四十日皆山路所治聚落一百
五大略如州縣五年三十六歲著大食錦或川法錦
大衫七條金瓔珞戴七寶裝成金冠躡紅皮履出則
從者五百人十婦人執金柈合貯檳榔導以樂王師
討交趾以其素仇詔使乘機協力除蕩行營戰棹都

監揚從先遣小校樊寔諭旨寔還言其國選兵七千
扼賊要路其王以木葉書回牌詔使上之然亦不能
成功後兩國同入貢占城使者乞避交人詔遇朔日
朝文德殿分東西立望日則交人入垂拱殿而占城
趨紫宸大宴則東西坐元祐七年又表言如大朝討
交趾願率兵掩襲朝廷以交趾數入貢不絕臣節難
以興師答敕書報之而以其使良保故倫軋丹副使
傍木知突爲保順卽將政和中授其王楊卜麻疊金
紫光祿大夫領廉白州刺史楊卜麻疊言身縻化外
不霑祿食願得薄授奉給壯觀小國許之宣和元年

進檢校司空燕御史大夫懷遠軍節度琳州管内觀察處置使封占城國王自是每遇恩輒降制加封邑建炎三年楊卜麻疊遣使入貢遇郊恩制授檢校太傅加食邑紹興二十五年其子鄒時闡巴嗣立遣使進方物求封爵錫宴於懷遠驛以其父初封之爵封之報賜甚厚乾道三年子鄒亞娜嗣掠大食國方物遣人來貢以求封爵爲其國人所訴詔卻之遂不議其封七年閩人有浮海之吉陽軍者風泊其舟抵占城其國方與真臘戰皆乘大象勝負不能決閩人教其王當習騎射以勝之王大說具舟送之吉陽市得馬

數十匹歸戰大捷明年復來瓊州拒之憤怒大掠而歸淳熙一年嚴馬禁不得售外齊三年占城歸所掠生口八十三人求通商詔不許四年占城以舟師襲真臘傳其國都慶元以來真臘大舉代占城以復讎殺戮殆盡俘其主以歸國遂亡其地悉歸真臘真臘國亦名占臘其國在占城之南東際海西接蒲甘南抵加羅希其縣鎮風俗同占城地方七千餘里有銅臺列銅塔二十有四銅象八以鎮其上象各重四千斤其國有戰象幾二十萬馬多而小政和六年十二月遣進奏使奉化郎將鳩摩僧哥副使安化郎將摩

君明稽噠等十四人來貢賜以朝服僧哥言萬里遠國仰投聖化尚拘寺服未稱區區嚮慕之誠願許服所賜詔從之仍以其事付史館書諸策明年三月辭去宣和二年又遣郎將摩臘摩禿防來朝廷官封其王與占城等建炎二年以郊恩授其王金哀賓深檢校司徒加食邑遂定爲常制其屬邑有真里富在西南隅東南接波斯蘭西南與登流眉爲鄰所部有六十餘聚落慶元六年其國主立二十年矣遣使奉表貢方物及馴象二詔優其報賜以海道遠涉後母自入貢蒲甘國崇寧五年遣使入貢詔禮秩視注輦尚

書省言注輦役屬三佛齊胡熙寧中敕書以大背紙緘以匣襍今蒲甘乃大國王不可下視附庸小國欲如大食交趾諸國禮凡制詔並書以白背金花綾紙貯以間金鍍管籥用錦絹夾襍緘封以往從之邈黎國元祐四年般次冷移四抹粟迷等賫于闐國黑汗王并本國王表章來有司以其國未嘗入貢請視于闐條式從之

三佛齊國蓋南蠻之別種與占城爲隣居真臘閩婆之間所管十五州土產紅藤紫礦箋沉香檳榔椰子無緡錢土俗以金銀貿易諸物四時之氣多熱少寒

冬無霜雪人用香油塗身其地無麥有米及青白豆
鷄魚鵝鴨頗類中土有花酒椰子酒檳榔酒蜜酒皆
非麴蘖所醞飲之亦醉樂有小琴小鼓崑崙奴踏曲
為樂國中文字用梵書以其王指環為印亦有中國
文字上章表即用焉累甃為城周數十里用柳葉覆
屋人民散居城外不輸租賦有所征伐隨時調發立
酋長率領皆自備兵器糧糗汎海使風二十日至廣
州其王號詹卑其國居人多蒲姓唐天祐元年貢物
授其使都蕃長蒲訶鏗寧遠將軍建隆元年九月其
王悉利胡大霞里檀遣使李遮帝來朝貢二年夏又

遣使蒲蔑貢方物是冬其王室利烏耶遣使茶野伽
副使嘉末吒朝貢其國號生留王李犀林男迷日來
亦遣使同至貢方物三年春室利烏耶又遣使李麗
林副使李鴟末判官吒吒壁等來貢迴賜以白犂牛
尾白毳噐銀噐錦線鞍轡一副開寶四年遣使李何
末以水晶火油來貢五年又來貢七年又貢象牙乳
香薷薇水萬歲棗福桃白沙糖水水晶指環瑠璃瓶珊
瑚樹八年又遣使蒲陀漢等貢方物賜以冠帶噐幣
太平興國五年其王夏池遣使茶龍眉來是年潮州
言三佛齊國蕃商李甫誨乘船船載香藥犀角象牙

至海口會風勢不便飄船六十日至潮州其香藥悉送廣州八年其王遐至遣使蒲押陀羅來貢水晶佛錦布犀牙香藥雍熙二年舶主金花茶以方物來獻端拱元年遣使蒲押陀黎貢方物淳化三年冬廣州上言蒲押陀黎前年自京迴聞本國爲闍婆所侵住南海凡一年今春乘舶至古城偶風信不利復還乞降詔諭本國從之咸平六年其王思離味囉無尼佛麻調華遣使李加排副使無拖李南悲來貢且言本國建佛寺以祝聖壽願賜名及鍾上嘉其意詔以承天萬壽爲寺額并鑄鍾以賜授加排歸德將軍無拖

李南悲懷化將軍大中祥符元年其王思離麻囉皮遣使李眉地副使蒲婆藍判官麻河勿來貢許赴泰山陪位于朝覲壇遣賜甚厚天禧元年其王霞遲蘇勿吒蒲迷遣使蒲謀西等奉金字表貢真珠象牙梵夾經峴嶮奴詔許謁會靈觀游太清寺金明池及還賜其國詔書禮物以慰獎之天聖六年八月其王室離疊華遣使蒲押陀羅歇及副使判官亞加盧等來貢方物舊制遠國使人貢賜以間金塗銀帶時特以渾金帶賜之熙寧十年使大首領地華伽囉來以爲保順慕化大將軍賜詔寵之曰吾以聲教覆露方域

不限遠邇苟知夫忠義而來者莫不錫之華爵耀以美名以寵異其國爾悅慕皇化浮海貢琛吾用汝嘉併超等秩以昭忠義之勸元豐中使至者再率以白金真珠婆律薰陸香備方物廣州受表入言俟報乃護至闕下天子念其道里遙遠每優賜遣歸二年賜錢六萬四千緡銀一萬五百兩官其使群陀畢羅爲寧遠將軍官陀旁亞里爲保順郎將畢羅乞買金帶白金噐物及僧紫衣師牒皆如所請給之三年廣州南蕃綱首以其主管國事國王之女唐字書寄龍腦及布與提舉市舶孫迥迥不敢受言於朝詔令估直

輸之官悉市帛以報五年遣使皮襪副使胡仙判官地華加羅來入見以金蓮花貯真珠龍腦撒殿官皮襪爲懷遠將軍胡仙加羅爲郎將加羅還至雍丘病歿賻以絹五十匹六年又以其使薩打華滿爲將軍副使羅悉沙文判官悉理沙文爲郎將紹聖中再入貢紹興二十六年其王悉利麻霞囉陀遣使入貢帝曰遠人向化嘉其誠耳非利乎方物也其王復以珠獻宰臣秦檜時檜已歿詔償其直而收之淳熙五年復遣使貢方物詔免赴闕館於泉州

嶗國西至海四十五日南至海二日汎海五日至大
食國北至海四日西北汎海十五日至勃泥國又十
五日至三佛齊國又七日至古邏國又七日至柴曆
亭抵交阯達廣州其地平坦宜種植產稻麻粟豆無
麥民輸十一之租煮海爲鹽多魚鱉鷄鴨山羊蕪椎
牛以食果實有木瓜椰子蕉子蔗芋出金銀犀牙箋
沉檀香茴香胡椒檳榔硫黃紅花 蘇木亦務蠶織
有薄絹絲絃吉貝布剪銀葉爲錢博易官以粟一斛
二斗博金一錢室宇華麗飾以金碧中國賈人至者
待以賓館飲食豐潔地不產茶其酒出於椰子及蝦

蜈丹樹蝦蜈丹樹華人未嘗見或以栳榔檳榔釀成
亦甚香美不設刑禁雜犯罪者隨輕重出黃金以贖
惟寇盜者殺之其王椎髻戴金鈴衣錦袍躡革履坐
方牀官吏日謁三拜而退出入乘象或腰輿壯士五
七百人執兵器以從國人見王皆坐俟其過乃起以
王子三人爲副王官有落佖連四人共治國事如中
國宰相無月奉隨時量給土產諸物次有文吏三百
餘員目爲秀才掌文簿總計財貨又有卑官殆千員
分主城池帑廩及軍卒其領一者每半歲給金十兩
勝兵三萬每半歲亦給金有差土俗婚聘無媒妁但

納黃金於女家以娶之五月遊船十月遊山有馬
可乘跨或乘軟兜樂有橫笛鼓板亦能舞土人被髮
其衣裝纏曾以下至於膝疾病不服藥但禱神求佛
其俗有名而無姓方言謂真珠爲沒爹蝦羅謂牙爲
家囉謂香爲崑燉盧林謂犀爲低密先是宋元嘉十
二年遣使朝貢後絕淳化三年十二月其王穆羅茶
遣使陀湛使副蒲亞里判官李陀那假澄等來朝貢
陀湛云中國有真主本國乃脩朝貢之禮國王貢象
牙真珠綉花銷金及綉絲絞雜色絲絞吉貝織雜色
布檀香玳瑁檳榔盤犀裝劍金銀裝劍藤織花簾白

鸚鵡七寶飾檀香亭子其使別貢玳瑁龍腦丁香藤

織花簾先是朝貢使泛舶船六十一日至明州定海縣

掌市舶監察御史張蘄先驛奏其使飾服之狀與嘗

來入貢波斯相類譯者言云今主舶六商毛旭者建

溪人數往來本國因假其鄉導來朝貢又言其國王

一號曰夏至馬羅夜王妃曰落肩娑娑利本國亦署

置僚屬又其方言曰船主爲勃荷王妻曰勃荷比尼

贖其船中婦人名眉珠椎髻無首飾以蠻布纏身顏

色青黑言語不能曉拜亦如男子膜拜一子項戴金

連鎖子手有金鈎以帛帶縈之名阿魯其國與三佛

齊有雉恐互相攻戰本國山多猴不畏人呼以霄霄之聲即出或投以果實則其大猴二先至土人謂之候王候夫人食畢群猴食其餘使既至上令有司優待久之使還賜金幣甚厚仍賜良馬戎具以從其請其使云隣國名婆羅門有善法察人情人欲相危害者皆先知之大觀三年六月遣使入貢詔禮之如文趾又有摩逸國太平興國七年載寶貨至廣州海岸建炎三年以南郊恩制授閩安國主懷遠軍節度琳州管内觀察處置等使金紫光祿大夫檢校司空使持節琳州諸軍事琳州刺史兼燕御史大夫上柱國

婆國王食邑二千四百戶實封一千戶悉里地茶蘭固野可特授檢校司空如食邑實封紹興二年復加食邑五百戶實封二百戶南毗國在大海之西南由三佛齊風颿月餘可至其國王每巡行先期遣兵百餘人持水灑地上以防颶風揚沙塵列鼎百以進食日一易之置翰林官供王飲食俗喜戰鬥習刀稍善射鑿雜白銀爲錢產真珠番布其國最遠番舶罕到時羅巴智力干父子其種類也居泉之城南自是船舟多至其國矣

勃泥國在西南大海中去闍婆四十五日程去三佛

齊四十日程去占城與摩逸各三十日程皆計順風
爲則其國以版爲城城中居者萬餘人所統十四州
其王所居屋覆以貝多葉民舍覆以草在王左右者
爲大人王坐繩床若出卽大布單坐其上衆昇之名
曰阮囊戰鬪者則持刀被甲甲以銅鑄狀若大筒穿
之於身護其腹背其地無麥有麻稻又有羊及鷄魚
無蠶絲用吉貝花織成布飲椰子酒昏聘之資先以
椰子酒檳榔次之指環又次之然後以吉貝布或量出
金銀成其禮喪葬亦有棺斂以竹爲輦載棄山中二
月始耕則祀之凡七年則不復祀矣以十二月七日

爲歲節地熱多風雨國人宴會鳴鼓吹笛擊鉞歌舞
爲樂無器並以竹編具多葉爲器盛食食訖棄之其
國隣於底門國有藥樹取其根煎爲膏服之及塗其
體兵刃所傷皆不死前代未嘗朝貢故史籍不載太
平興國二年其王向打遣使施弩使副蒲亞里判官
哥心等齎表貢大片龍腦一家底第二等八家底第
三等十一家底米龍腦二十家底蒼龍腦二十家底
凡一家底並二十兩龍腦版五玳瑁殼一百檀香三
櫛象牙六株表云爲皇帝千萬歲壽望不責小國微
薄之禮其表以數重小囊緘封之非中國紙類木皮

而薄瑩滑色微綠長數尺濶寸餘橫卷之僅可盈握其字細小橫讀之以華言譯之云勃泥國王向打稽首拜皇帝萬歲萬歲萬萬歲願皇帝萬歲壽今遣使進貢向打聞有朝廷無路得到昨有商人蒲盧歇船泊水口差人迎到州言自中朝來比詣闍婆國遇猛風破其船不得去此時聞自中國來國人皆大喜卽造船船令蒲盧歇導達人朝貢所遣使人只願平善見皇帝每年令人入朝貢每年修貢慮風吹至占城界望皇帝詔占城令有向打船到不要留臣本國別無異物乞皇帝勿怪其表文如是詔館其使於禮賓

院優賜以遣之元豐五年十二月其王錫理麻喏復遣使貢方物其使乞從泉州乘海船歸國從之

注輦國東距海五里西至天竺千五百里南至羅蘭二千五百里北至頓田二千里自古不通中國水行至廣州約四十一萬一千四百里其國有城七重高七尺南北十二里東西七里每城相去百步凡四城用磚二城用土最中城以木爲之皆植花果雜木其第一至第三皆民居環以小河第四城四侍郎居之第五城主之四子居之第六城爲佛寺百僧居之第七城卽主之所居室四百餘區所統有二十一部落

其西十二曰只都尼施亞盧尼羅琶離驚琶移布林
琶布尼古檀布林蒲登故里娑輪岑本蹄揭蹄閩黎
池離那部尼遮古林亞里者林其南八曰無雅加黎
麻藍眉古黎苦低舍里尼密多羅摩伽藍蒲登蒙伽
林伽藍琶里琶離遊亞林池蒙伽藍其北十二曰撥
囉耶無沒離江林加里蒙伽藍漆結麻藍握折蒙伽
藍皮林伽藍浦稜和藍堡芭來田注離盧婆囉迷蒙
伽藍今國主相傳三世矣民有罪卽命侍郎一員處
治之輕者繫於木格笞五十至一百重者卽斬或以
象踐殺之其宴則國主與四侍郎膜拜於階遂共坐

作樂歌舞不飲酒而食肉俗衣布亦有餅餌掌饌執
事用婦人其嫁娶先用金銀指環使媒婦至女家後
二日會男家親族約以土田牲畜檳榔酒等稱其有
無爲禮女家復以金銀指環越諾布及女所服錦衣
遺婿若男欲離女則不取聘財女却男則倍償之其
兵陣用象居前小牌次之被槍次之長刀又次之弓
矢在後四侍郎分領其衆國東南約二千五百里有
悉蘭池國或相侵伐地產眞珠象牙珊瑚頗黎檳榔
豆蔻吉具布獸有山羊黃牛禽有山鷄鸚鵡果有餘
甘藤羅千年棗椰子甘羅毗嶮梅娑羅密等花有白

未利散絲蛇臍佛桑麗秋苜黃碧娑羅瑤蓮蟬紫水
蕉之類五穀有綠豆黑豆麥稻地宜竹自昔未嘗朝
貢大中祥符八年九月其國主羅茶羅乍遣進奉使
侍郎娑里三文副使蒲恕判官翁勿防援官亞勒加
等奉表來貢三文等以盤奉真珠碧玻璃升殿布於
御坐前降殿再拜譯者道其言曰願以表遠人慕化
之誠其國主表曰臣羅茶羅乍言昨遇舸船商人
到本國告稱鉅宋之有天下也三帝開基聖人繼統
登封太岳禮祀汾陰至德升聞上穹眷命臣昌期斯
遇吉語幸聞輒傾就日之誠仰露朝天之款臣伏聞

人君之御統也無遠不臻臣子之推誠也有道則服
伏惟皇帝陛下功超邃古道建大中衣裳垂而德合
乾坤劔戟鑄而範圍區宇神武不殺人文化成廓明
明之德以臨御下民懷翼翼之心以昭事上帝至仁
不傷於行葦大信爰及於淵魚故得天鑒孔彰帝文
有赫顯今古未聞之事保家邦大定之基竊念臣微
類醯鷄賤如芻狗世居夷落地遠華風虛荷燭幽魯
無執贄今者竊聽歌頌普及遐陬恨年屬於桑榆阻
躬陳於玉帛矧滄溟之曠絕在跋跬以稍艱是敢傾
倒赤心遙瞻丹闕任土作貢同螻蟻之慕膾委質事

君比葵藿之向日謹遣專使等五十二人奉土物來
貢凡真珠衫帽各一真珠二萬一千一百兩象牙六
十株乳香六十斤三文等又獻珠六千六百兩香藥
三千三百斤初羅茶羅乍既聞商船言且曰十年來
海無風濤古老傳云如此則中國有聖人故遣三文
等入貢三文離本國舟行七十七晝夜歷鄒勿丹山
娑里西蘭山至占賓國又行六十一晝夜歷伊麻羅
里山至古羅國國有古羅山因名焉又行七十一晝
夜歷加八山占不牢山舟寶龍山至三佛齊國又行
十八晝夜度蠻山水口歷天竺山至賓頭狼山望東

西王母塚距舟所將百里又行二十晝夜度羊山九
星山至廣州之琵琶洲離本國凡千一百五十日至
廣州焉詔閣門祗候史祐之館伴凡事賜恩例同
茲使其年承天節三文等請於啓聖院會僧以祝
聖壽明年使回降詔羅茶羅乍賜物甚厚天禧四年
又遣使琶欄得麻烈吒奉方物入貢至廣州病死守
臣以其表聞詔廣州宴犒從者厚賜以遣之明道二
年十月其王尸離囉茶印佗囉注囉遣使蒲押陀離
等以泥金表進真珠衫帽及真珠一百五兩象牙百
株西染院副使閣門通使舍人符惟忠假鴻臚少卿

押伴蒲押陀離自言數朝貢而海風破船不達願將上等珠就龍牀脚撒殿頂戴贍禮以申嚮慕之心乃奉銀盤升殿跪撒珠於御榻下而退景祐元年二月以蒲押陀離爲金紫光祿大夫懷化將軍還本國熙寧十年國王地華加羅遣使竒囉囉副使南卑琶打判官麻圖華羅等二十七人來獻踔豆珠麻瑠瑯大洗盤白梅花腦錦花犀牙乳香瓶香薷薇水金蓮花木香阿魏鵬砂丁香使副以真珠龍腦登陛跪而散之謂之撒殿旣降詔遣御藥宦勞之以爲懷化將軍保順郎將各賜衣服器幣有差荅賜其王錢八萬二千

八百緡銀五萬二千兩

丹眉流國東至占臘五十程南至羅越水路十五程西至西天三十五程北至程良六十程東北至羅斛二十五程東南至闍婆四十五程西南至程若十五程西北至洛華二十五程東北至廣州一百三十五程其俗以版爲屋跣足衣布無紳帶以白紵纏其首貿易以金銀其主所居廣袤五里無城郭出則乘象車亦有小駟地出犀象鋤石紫草蘇木諸藥四時炎熱無雪霜未嘗至中國咸平四年國主多須機遣使打吉馬副使打臘判官皮泥等九人來貢木香千斤

鑰鑷各百斤胡黃連三十五斤紫草百斤紅氈一合
花布四段蘇木萬斤象牙六十一株召見崇德殿賜
以冠帶服物及還又賜多須機詔書以敦獎之

列傳卷第二百四十八
開府儀同三司上柱國錄軍國重事前中書右丞相監修國史領經筵事都總裁臣脫脫等奉
勅修

列傳卷第二百四十九

宋史四百九十

開府儀同三司上柱國錄軍國重事前中書右丞相監修國史領經筵事都總裁臣脫脫等奉
勅修

外國六

天竺 高昌 回鶻

大食 層檀 龜茲 沙州

拂菻

天竺二國舊名身毒亦曰摩伽陀復曰婆羅門俗宗浮
圖道不飲酒食肉漢武帝遣使十餘輩間出西南指
求身毒為昆明所閉莫能通至漢明帝夢金人於是

鑰鑷各百斤胡黃連三十五斤紫草百斤紅氈一合
花布四段蘇木萬斤象牙六十一株召見崇德殿賜
以冠帶服物及還又賜多須機詔書以敦獎之

列傳卷第二百四十八
至西北至谷率二十五里東北至觀州一百三十五
里西南至觀州四十五里西南至觀州十五
里東北至觀州六十里東北至觀州
列傳卷第二百四十九

列傳卷第二百四十九

宋史四百九十九

開府儀同三司上柱國錄軍國軍事前中書右丞相監修國史領經筵事都總裁臣脫脫等奉
勅修

外國六次來朝獻圓晉天師中書西越五全十

天竺二高昌回鶻

大食層檀龜茲

拂菻

天竺二國舊名身毒亦曰摩伽陀復曰婆羅門俗宗浮
圖道不飲酒食肉漢武帝遣使十餘輩問出西南指
求身毒為昆明所閉莫能通至漢明帝夢金人於是

遣使天竺問佛道法由是其教傳於中國梁武帝後
魏宣武皆來貢獻隋煬帝志通西域諸國多有至者
唯天竺不通唐貞觀以後朝貢相繼則天天授中五
天竺王並來朝獻乾元末河隴陷沒遂不復至周廣
順三年西天竺僧薩滿多等十六族來貢名馬乾德
三年滄洲僧道圓自西域還得佛舍利一水晶器具
葉梵經四十夾來獻道圓晉天福中諸西域在塗十
二年住五印度凡六年五印度卽天竺也還經于闐
與其使偕至太祖召問所歷風俗山川道里一一能
記四年僧行勤等一百五十七人詣闕上言願至西

域求佛書許之以其所歷甘沙伊肅等州焉耆龜茲
于闐割祿等國又歷布路沙加濕彌羅等國並詔諭
其國令人引導之開寶後天竺僧持梵夾來獻者不
絕八年冬東印度王子穰結說囉來朝貢天竺之法
國王死太子襲位餘子皆出家爲僧不復居本國有
曼殊室利者乃其王子也隨中國僧至焉太祖令館
於相國寺善持律爲都人之所傾嚮財施盈室衆僧
頗嫉之以其不解唐言卽僞爲奏求還本國許之詔
旣下曼殊室利始大驚恨衆僧諭已詔旨不得已遲
留數月而後去自言詣南海附賈人船而歸終不知

所適太平興國七年益州僧光遠至自天竺以其王
沒徙曩表來上上今天竺僧施護譯云近聞支那國
內有大明王至聖至明威力自在每慙薄幸朝謁無
由遙望支那起居聖躬萬福光遠來蒙賜金剛吉祥
無畏坐釋迦聖像袈裟一事已披掛供養伏願支那
皇帝福慧圓滿壽命延長常爲引導一切有情生死
海中渡諸沉溺今以釋迦舍利附光遠上進又譯其
國僧統表詞意亦與沒徙曩同施護者烏墳曩國人
其國屬北印度西行十二日至乾陀羅國又西行二
十日至曩誡囉賀囉國又西行十日至嵐婆國又西

行十二日至誡惹曩國又西行至波斯國得西海自
北印度行百二十日至中印度中印度西行三程至
阿囉尾國又西行十二日至未曩囉國又西行十二
日至鉢賴野迦國又西行六十日至迦囉拏俱惹國
又西行二十日至摩囉尾國又西行二十日至烏然
泥國又西行二十五日至囉囉國又西行四十日至
蘇囉茶國又西行十一日至西海自中印度行六月
程至南印度又西行九十日至供迦拏國又西行一
月至海自南印度南行六月程得南海皆施護之所
述云八年僧法遇自天竺取經回至三佛齊遇天竺

僧彌摩羅失黎語不多令附表願至中國譯經上優
詔召之法遇後募緣製龍寶蓋架婆將復往天竺表
乞給所經諸國勅書遂賜三佛齊國王遐至葛古羅
國主司馬佶芒柯蘭國主讚恒羅西天王子謨馱仙
書以遣之雍熙中衛州僧辭瀚自西域還與胡僧密
坦羅奉北印度王及金剛坐王那爛陀書來又有婆
羅門僧永世與波斯外道阿里烟同至京師永世自
云本國名利得國王姓牙羅五得名阿喏你縛衣黃
衣戴金冠以七寶爲飾出乘象或肩輿以音樂螺鈸
前導多遊佛寺博施貧乏其妃曰摩訶你衣大紬縷

金紅衣歲一出多所振施人有冤抑候王及妃出遊
卽迎隨伸訴署國相四人庶務並委裁制五穀六畜
果實與中國無異市易用銅錢有文漫圓徑如中國
之制但實其中心不穿貫耳其國東行經六月至大
食國又二月至西州又三月至夏州阿里烟自云本
國王號黑衣張名哩沒用錦綵爲衣每遊獵三二日
一還國署大臣九人治國事無錢貨以雜物貿易其
國東行經六月至婆羅門至道二年八月有天竺僧
隨舶至海岸持帝鍾鈴杵銅鈴各一佛像一軀貝葉
梵書一夾與之語不能曉天聖二年九月西印度僧

愛賢智信護等來獻梵經各賜紫方袍束帛五年二月僧法吉祥等五人以梵書來獻賜紫方袍景祐三年正月僧善稱等九人貢梵經佛骨及銅牙菩薩像賜以束帛大正八年國事詳見本國史子闐國自漢至唐皆入貢中國安史之亂絕不復至晉天福中其王李聖天自稱唐之宗屬遣使來貢高祖命供奉官張鄴持節冊聖天爲大食于闐國王建隆二年十二月聖天遣使貢圭一以玉爲柙玉枕一本國摩尼師貢琉璃瓶二胡錦一段其使言本國去京師九千九百里西南抵葱嶺與婆羅門接相去三

千餘里東接吐蕃西北至疏勒二千餘里國城東有白玉河西有綠玉河次西有烏玉河源出崑岡山去國城西千三百里每歲秋國人取玉於河謂之撈玉土宜蒲萄人多醞以爲酒甚美俗事妖神乾德三年五月于闐僧善名善法來朝賜紫衣其國宰相因善名等來致書樞密使李崇矩求通中國太祖令崇矩以書及器幣報之至是冬沙門道圓自西域還經于闐與其朝貢使至四年又遣其子德從來貢方物開寶二年遣使直末山來貢且言本國有玉一塊凡二百三十七斤願以上進乞遣使取之善名復至貢阿

魏子賜號昭化大師因令還取玉又國王男總嘗貢
玉櫛刀亦厚賜報之四年其國僧吉祥以其國王書
來上自言破疏勒國得舞象一欲以為貢詔許之大
中祥符二年其國黑韓王遣回鶻羅廝溫等以方物
來貢廝溫跪奏曰臣萬里來朝獲見天日願聖人萬
歲與遠人作主上詢以在路幾時去此幾里對曰涉
道一年晝行暮息不知里數昔時道路嘗亦剽掠今
自瓜沙抵于闐道路清謐行旅如流願遣使安撫遠
俗上曰路遠命使益以勞費爾國今降詔書汝即齎
往亦與命使無異也初太平興國中有澶州卒王貴
者晝忽見使者至營召貴偕行南至河橋驛馬已
具即命乘之俄覺騰虛而去頃之駐馬但見屋室宏
麗使者引貴入見其主者容衛制度悉如王者謂貴
曰俟汝年五十八當往于闐國北通聖山取一異寶
以奉皇帝宜深志之遂復乘馬凌虛而旋軍中失貴
已數日矣驗所乘即營卒之馬也知州宋煦劾貴以
聞太宗釋之天禧初貴自陳年已五十八願遵前戒
而至于闐尋許其行貴至秦州以道遠悔懼俄於市
中遇一道士引貴出城登高原問貴所欲具以實對
即命貴閉目少頃令開視山川頓異道士曰此于闐

國北境通聖山也復引貴觀一池池中有仙童出一物授之謂曰持此奉皇帝又令瞋目俄頃復至秦州向之道士已失所在發其物乃玉印也文曰國王趙萬永寶州以獻天聖三年十二月遣使羅面于多副使金三監使安多都監趙多來朝貢玉鞍轡白玉帶胡錦獨峯橐駝乳香硃砂詔給還其直館于都亭西驛別賜襲衣金帶銀器百兩衣著二百羅面于多金帶嘉祐八年八月遣使羅撒温獻方物十一月以其國王為特進歸忠保順砮鱗黑韓王羅撒温言其王乞賜此號也于闐謂金超烏為砮鱗黑韓蓋可汗之

訛也羅撒温等以獻物賜直以不受及請所獻獨峯橐駝詔以遠人特別賜錢五千貫以橐駝還之而與其已賜之直其後數以方物來獻熙寧以來遠不踰一二歲近則歲再至所貢珠玉珊瑚翡翠象牙乳香木香琥珀花蓋布硃砂龍蓋西錦玉鞍轡馬膃臍膾金星石水銀安息鷄舌香有所持無表章每賜以暈錦旋襪衣金帶器幣宰相則盤毬雲錦夾襪地產乳香來輒群負私與商賈牟利不售則歸諸外府得善價故其來益多元豐初始詔惟齋表及方物馬驢乃聽以詣闕乳香無用不許貢四年遣部領阿辛上表

稱于闐國僂儻有福力量知文法黑汗王書與東方
日出處大世界由地主漢家阿舅天官家大略云路
遠傾心相向前三遣使入貢未回重複數百言董禮
使導至熙州譯其辭以聞詔前三輩使人皆已朝見
錫賚遣發賜勅書諭之神宗嘗問其使去國歲月所
經何國及有無鈔略對曰去國四年道塗居其半歷
黃頭回紇青唐惟懼契丹鈔略耳因使之圖上諸國
距漢境遠近為書以授李憲八年九月遣使入貢使
者為神宗飯僧追福賜錢百萬還其所貢師子元祐
中以其使至無時令熙河間歲一聽至闕八年請討
夏國不許紹聖中其王阿忽都董娥密竭篤又言緬
藥家作過別無報效已遣兵攻甘沙肅三州詔厚答
其意知秦州游師雄言于闐人食拂蘇等國貢奉般
次踵至有司憚於供賚抑留邊方限二歲一進外夷
慕義萬里而至此非所以來遠人也從之自是訖于
宣和朝享不絕

高昌國漢車師前王之地有高昌城取其地勢高敞
人民昌盛以為名焉後魏初沮渠無諱自署高昌大
守無諱死茹茹以闕伯周為高昌王高昌有王始於
此後魏至隋皆來貢獻唐貞觀中侯君集平其國以

其地為西州安吏之亂其地陷沒乃復為國語訛亦云高敞然其地頗有回鶻故亦謂之回鶻建隆三年四月西州回鶻阿都督等四十二人以方物來貢乾德三年十一月西州回鶻可汗遣僧法淵獻佛牙琉璃器琥珀蓋太平興國六年其王始稱西州外生師子王阿斯蘭漢遣都督來凌溫來獻五月太宗遣供奉官王延德殿前承旨白勛使高昌八年其使安鶻盧來貢雍熙元年四月王延德等還敘其水程來獻云初自夏州歷玉亭鎮次歷黃羊平其地平而產黃羊渡沙磧無水行人皆載水凡二日至都囉囉族漢使過者遺以財貨謂之打岸次歷茅文唱子族族黃河以羊皮為囊吹氣實之浮於水或以橐駝牽木棧而渡次歷弟女子開溝之族行入六窠沙沙深二尺馬不能行行者皆乘橐駝不育五穀沙中生草名登相收之以食次歷樓于山無居人行沙磧中以日為占旦則背日暮則向日日中則止夕行望月亦如之次歷卧梁劾特族地有都督山唐回鶻之地次歷大蟲太子族族接契丹界人衣尚錦繡器用金銀馬乳釀酒飲之亦醉次歷屋地因族蓋連于于越王子之子次至連于于越王子族次歷棧利王子族有合

羅川唐回鶻公主所居之地城基尚在有湯泉池次
歷阿墩族經焉陵山望鄒嶺嶺上石龕有李陵題字
處次歷格羅美源西方百川所會極望無際鷗鷺鳧
鴈之類甚衆次至托邊城亦名李僕射城城中首領
號通天王次歷小石州次歷伊州州將陳氏其先自
唐開元二年領州凡數十世唐時詔勅尚在地有野
蠶生苦參上可爲綿帛有羊尾大而不能走是重者
三斤小者一斤肉如熊白而甚美又有礪石剖之得
賓鐵謂之喫鐵石又生胡桐樹經雨即生胡桐律次
歷益都次歷納職城城在大患鬼魅積之東南望玉

門關甚近地無水草載糧以行比三日至鬼谷口避
風驛用本國法設祭出詔神禦風風乃息比八日至
澤田寺高昌聞使至遣人來迎次歷地名寶莊又歷
六種乃至高昌高昌即西州也其地南距于闐西南
距大食波斯西距西天步路涉雪山葱嶺皆數千里
地無雨雪而極熱每盛暑居人皆穿地爲穴以處飛
鳥羣萃河濱或起飛即爲日氣所燥墜而傷翼屋室
覆以白堊雨及五寸即廬舍多壞有水源出金嶺導
之周圍國城以溉田園作水碓地產五穀惟無蕎麥
貴人食馬餘食羊及鳧鴈樂多琵琶箏篴出貂鼠白

氍繡文花蓋布俗好騎射婦人戴油帽謂之蘇幕遮
用開元七年曆以三月九日為寒食餘二社冬至亦
然以銀或鍮石為筒貯水激以射或以水交潑為戲
謂之壓陽氣去病好游賞行者必抱樂器佛寺五十
餘區皆唐朝所賜額寺中有大藏經唐韻玉篇經音
等居民春月多群聚邀樂於其間游者馬上持弓矢
射諸物謂之攘災有勅書樓藏唐太宗明皇御札詔
勅緘鎖甚謹復有摩尼寺波斯僧各持其法佛經所
謂外道者也所統有南突厥北突厥大衆慰小衆熨
樣磨割祿黠戛司末蠻格哆族預龍族之名甚衆國

中無貧民絕食者共賑之人多壽考率百餘歲絕無
夭死時四月師子王避暑於北廷以其舅阿多于越
守國先遣人致意於延德曰我王舅也使者拜我乎
延德曰持朝命而來禮不當拜復問曰見王拜乎延
德曰禮亦不當拜阿多于越復數日始相見然其禮
頗恭師子王邀延德至其北廷歷交河州凡六日至
金嶺口寶貨所出又兩日至漢家砦又五日上金嶺
過嶺即多雨雪嶺上有龍堂刻石記云小雪山也嶺
上有積雪行人皆服毛罽度嶺一日至北廷憩高臺
寺其王烹羊馬以具膳尤豐潔地多馬王及王后太

子各養馬放牧平川中彌亘百餘里以毛色分別為羣莫知其數北廷川長廣數千里鷹鷂鵝鶻之所生多美草不生花砂鼠大如鸛鷲禽捕食之其王遣人來言擇日以見使者願無訝其淹久至七日見其王及王子侍者皆東向拜受賜旁有持磬者擊以節拜王聞磬聲乃拜既而王之兒女親屬皆出羅拜以受賜遂張樂飲宴為優戲至暮明日汎舟於池中池四面作鼓樂又明日游佛寺曰應運大寧之寺貞觀十四年造北廷北山中出礪砂山中嘗有烟氣涌起無雲霧至夕光燄若炬火照見禽鼠皆赤采者著木底鞮

取之皮者即焦下有穴生青泥出穴外即變為砂石土人取以治皮城中多樓臺卉木人白皙端正性工巧善治金銀銅鐵為器及攻玉善馬直絹一匹其驚馬克食纜直一丈貧者皆食肉西抵安西即唐之西境七月令延德先還其國其王九月始至亦聞有契丹使來謂其王云高敞本漢土漢使來覘視封域將有異圖王當察之延德偵知其語因謂王曰契丹素不順中國今乃反間我欲殺之王固勸乃止自六年五月離京師七年四月至高昌所歷以詔賜諸國君長襲衣金帶繒帛八年春與其謝恩使凡百餘人復

循舊路而還雍熙元年四月至京師景德元年又遣使金延福來貢

回鶻本匈奴之別裔在天德西北娑陵水上後魏彌鐵勒唐初彌特勒後稱回紇其君長曰可汗自貞觀以後朝貢不絕至德初出兵助國討平安史之亂故累朝恩禮最重然而恃功橫恣朝廷雖患其邀求無厭然頗姑息聽從之元和中訛為回鶻會昌中其國衰亂其相馭職者擁外甥將龐勒西奔安西既而回鶻為幽州張仲武所破龐勒乃自稱可汗居甘沙而州無復昔時之盛矣歷梁後唐晉漢周皆遣使朝貢

後唐同光中冊其國王仁美為英義可汗仁美卒其弟仁裕立冊為順化可汗晉天福中又改為奉化可汗仁裕卒子景瓊立先是唐朝繼以公主下嫁故回鶻世稱中朝為舅中朝每賜答詔亦曰外甥五代之後皆因之建隆二年景瓊遣使朝獻三年阿都督等四十二人以方物來貢乾德二年遣使貢玉百團琥珀四十斤犛牛尾貂鼠等三年遣使趙黨誓等四十七人以團玉琥珀紅白犛牛尾為貢開寶中累遣使貢方物其宰相鞠仙越亦貢馬太平興國二年冬遣殿直張璨齎詔諭甘沙州回鶻可汗外甥賜以器幣

招致名馬美玉以備車騎琮璜之用五年其沙州回鶻可汗夜落紇密禮遏遣使裴溢的等四人以橐駝名馬珊瑚琥珀來獻雍熙元年四月西州回鶻與婆羅門僧永世波斯外道阿里烟同入貢四年合羅川回鶻第四族首領遣使朝貢端拱二年九月回鶻都督石仁政麼囉王子邈拏王子越黠黃水州巡檢四族並居賀蘭山下無所統屬諸部入貢多由其地麼囉王子自云向爲靈州馮暉阻絕由是不通貢奉今有內附意各以錦袍銀帶賜之咸平四年可汗王祿勝遣使曹萬通以玉勒名馬獨峯無峯橐駝賓鐵劍

甲琉璃器來貢萬通自言任本國樞密使本國東至黃河西至雪山有小郡數百甲馬甚精習願朝廷命使統領使得縛繼遷以獻因降詔祿勝曰賊遷凶悖人神所棄卿世濟忠烈義篤舅甥繼上奏封備陳方略且欲大舉精甲就覆殘妖拓土西陲獻俘北闕可汗功業其可勝言嘉歎所深不忘朕意今更不遣使臣一切委卿統制特授萬通左神武軍大將軍優賜祿勝器服景德元年夜落紇遣使來貢四年又遣尼法仙等來朝獻馬仍許法仙遊五臺山又遣僧翟入奏來獻馬欲於京城建佛寺祝聖壽求賜名額不許

大中祥符元年夏州萬子等軍主領族兵趨回鶻回鶻設伏要路示弱不與鬪俟其過奮起擊之勦戮殆盡其生擒者回鶻驅坐於野悉以所獲資糧示之曰爾輩狐鼠規求小利我則不然遂盡焚而殺之唯萬子軍主挺身走鎮戎軍以聞上曰回鶻嘗殺繼遷世爲讐敵甘州使至亦言德明侵軼之狀意頗輕視之量其兵勢德明未易敵也其年夜落紇寶物公主及沒孤公主姿溫宰相各遣使來貢東封禮成以可汗王進奉使姚進爲寧遠將軍寶物公主進奉曹進爲安化郎將賜以袍笏又賜夜落紇介胄三年又遣左

溫宰相何居録越樞密使翟符守榮等來貢是年龜茲國王可汗遣使李廷福副使安福監使翟進來進香藥花蓋布名馬獨峰馳大尾羊玉鞍勒琥珀礪石等四年翟符守榮等三十人請從祀汾陰其年夜落紇遣使貢方物秦州回鶻安密獻玉帶於道左禮成以翟符守榮爲左神武軍大將軍安殿民爲保順郎將餘皆賜冠帶器幣其年夜落紇遣使言敗趙德明立功首領請加恩賞詔給司戈司階郎將告勅十道使得承制補署六年龜茲進奉使李延慶等三十六人對于長春殿獻名馬弓箭鞍勒團玉香藥等優詔

答之先是甘州數與夏州接戰夜落統貢奉多爲夏州鈔奪及宗哥族感悅朝廷恩化乃遣人接送其使故頻年得至京師既而喃廝羅欲娶可汗女而無聘財可汗不許因爲讐敵五年秦州遣指揮使楊知進譯者郭敏送進奉使至甘州會宗哥怨隙阻歸路遂留知進等不敢遣八年敏方得還可汗王夜落隔上表言寶物公主疾死以西涼人蘇守信劫亂不時奏聞又謝恩賜寶鈿銀匣曆日及安撫詔書仍乞慰諭宗哥使開朝貢之路九年楊知進亦至遂遣郭敏賜宗哥詔書并甘州可汗器幣其年使來朝貢言夜落隔卒九宰相諸部落奉夜落隔歸化爲可汗王領國事天禧二年夜落隔歸化遣都督安信等來朝四年又遣使同龜茲國可汗王智海使來獻大尾羊初回鶻西奔族種散處故甘州有可汗王西州有克韓王新復州有黑韓王皆其後焉天聖元年五月甘州夜落隔通順遣使阿葛之王文貴來貢方物六月詔甘州回訖外甥可汗王夜落隔通順特封歸忠保順可汗王二年二月遣使都督智信等十四人來貢馬及黃湖綿細白氈三年四月可汗王公主及宰相撒溫訛進馬乳香賜銀器金帶衣著花錦旋襪有差五年八

月遣使安萬東等一十四人來貢方物六年二月遣人
貢方物熙寧元年入貢求買金字大般若經以墨本
賜之六年復來補其首領五人爲軍主歲給綵二十
疋神宗問其國種落生齒幾何曰三十餘萬壯可用
者幾何曰二十萬明年勅李憲擇使聘阿里骨使諭
回鶻令發兵深入夏境憲以命殿直皇甫旦旦往不
得前而妄奏功狀詔逮旦赴御史獄抵罪然回鶻使
不常來宣和中間因入貢散而之陝西諸州公爲貿
易至留久不歸朝廷慮其習知邊事且往來皆經夏
國於播傳非便乃立法禁之

大食國本波斯之別種隋大業中波斯有桀黠者探
穴得文石以爲瑞乃糾合其衆剽略資貨聚徒浸盛
遂自立爲王據有波斯國之西境唐永徽以後屢來
朝貢其王盆泥未換之前謂之白衣大食阿蒲羅拔
之後謂之黑衣大食乾德四年僧行勤遊西域因賜
其王書以招懷之開寶元年遣使來朝貢四年又貢
方物以其使李訶末爲懷化將軍特以金花五色綾
紙寫官告以賜是年本國及占城門婆又致禮物于
李煜煜不敢受遣使來上因詔自今勿以爲獻六年
遣使來貢方物七年國王訶黎佛又遣使不囉海九

年又遣使蒲希密皆以方物來貢太平興國二年遣使蒲思那副使摩訶末判官蒲囉等貢方物其從者目深體黑論之崑崙奴詔賜其使襲衣器幣從者練帛有差四年復有朝貢使至雍熙元年國人花茶來獻花錦越諾揀香白龍腦白沙糖薔薇水琉璃器淳化四年又遣其副酋長李亞勿來貢其國舶主蒲希密至南海以老病不能詣闕乃以方物附亞勿來獻其表曰大食舶主臣蒲希密上言衆星垂象回拱於北辰百谷疏源委輸於東海屬有道之柔遠罄無外以宅心伏惟皇帝陛下德合二儀明齊七政仁宥萬國

光被四夷賡歌洽擊壤之民重譯走奉珎之貢臣顧惟殊俗景慕中區早傾向日之心頗翫朝天之願昨在本國曾得廣州蕃長寄書招諭令入京貢奉盛稱皇帝聖德布寬大之澤詔下廣南寵綏蕃商阜通遠物臣遂乘海舶爰率土毛涉歷龍王之宮瞻望天帝之境庶遵玄化以慰宿心今則雖屆五羊之城猶賒雙鳳之闕自念衰老病不能興遐想金門心目俱斷今遇李亞勿來貢謹備蕃錦藥物附以上獻臣希密凡進象牙五十株乳香千八百斤賓鐵七百斤紅絲吉具一段五色雜花蕃錦四段白越諾二段都爹一

琉璃瓶無名異一塊薔薇水百瓶詔賜希密勅書錦袍銀器束帛等以答之至道元年其國舶主蒲押陀黎齋蒲希密表來獻白龍腦一百兩膺臍五十對龍鹽一銀合眼藥二十小琉璃瓶白沙糖三琉璃甕千年棗舶上五味子各六琉璃瓶舶上福桃一琉璃瓶薔薇水二十琉璃瓶乳香山子一坐蕃錦二段駝毛褥面三段白越諾二段引對於崇政殿譯者代表奏云父蒲希密因緣射利泛舶至廣州迨今五稔未歸母令臣遠來尋訪叻至廣州見之具言前歲蒙皇帝聖恩降勅書賜以法錦袍紫綾纏頭間塗金銀鳳縹

一對綾絹二十疋今令臣奉章來謝以方物致貢太

宗因問其國對云與大秦國相鄰為其統屬今本國所管之民纔及數千有都城介山海間又問其山澤所出對云惟犀象香藥問犀象以何法可取對云象用象媒誘至漸以大繩羈縻之耳犀則使人升大樹操弓矢伺其至射而殺之其小者不用弓矢可以捕獲上賜以襲衣冠帶被褥等物令閣門宴犒訖就館延留數月遣回降詔答賜蒲希密黃金準其所貢之直三年二月又與賓同隴國使來朝咸平二年又遣判官文戍至三年舶主陀婆離遣使穆吉鼻來貢吉

鼻還賜陀婆離詔書并器服鞍馬六年又遣使婆羅
欽三摩尼等來貢方物摩尼等對於崇政殿持真珠
以進自云離國日誠願得瞻威顏卽獻此乞不給回
賜真宗不欲違其意俟其還優加恩賚景德元年又
遣使來時與三佛齊蒲端國使並在京師會上元觀
燈皆賜錢縱其宴飲其秋蕃客蒲加心至四年又遣
使同占城使來優加館餼之禮許徧至苑囿寺觀遊
覽大中祥符元年十月車駕東封舶主陀婆離上言
願執方物赴泰山從之又舶主李亞勿遣使麻勿來
獻玉圭並優賜器幣袍帶并賜國主銀飾繩床水罐

器械旗幟鞍勒馬等四年祀汾陰又遣歸德將軍陀
羅離進甌香象牙琥珀無名異繡絲紅絲碧黃綿細
越諾紅駝毛間金線壁衣碧白琉璃酒器薔薇水千
年棗等詔令陪位禮成並賜冠帶服物五年廣州言
大食國人無西忽盧華百三十歲耳有重輪貌甚偉
異自言遠慕皇化附古邏國船舶而來詔就賜錦袍
銀帶加東帛天禧三年遣使蒲麻勿陀婆離副使蒲
加心等來貢先是其入貢路繇沙州涉夏國抵秦州
乾興初趙德明請道其國中不許至天聖元年來貢
恐爲西人鈔略乃詔自今取海路繇廣州至京師至

和嘉祐間四貢方物最後以其首領蒲沙乙爲武寧
司階熙寧中其使辛押陀羅乞統察蕃長司公事詔
廣州裁度又進錢銀助修廣州城不許六年都蕃首
保順郎將蒲陀婆離慈表令男麻勿奉貢物乞以自
代而求爲將軍詔但授麻勿郎將其國部屬各異名
故有勿巡有陀婆離有俞盧和地有麻囉跋等國然
皆冠以大食勿巡所貢又有龍腦兜羅錦毬錦襪蕃
花簾陀婆有金飾壽帶連環臂鈎數珠之屬政和中
橫州士曹蔡蒙休坤伴其使入都沿道故滯留疆市
其香藥不償直事聞詔提點刑獄置獄推治因詔自
今蕃夷入貢並選承務郎以上清幹官押伴按程而
行無故不得過一日乞取賈布者論以自盜云其國
在泉州西北舟行四十餘日里藍至次年乘風颿又
六十餘日始達其國地雄壯廣袤民俗侈麗甲於諸
蕃天氣多寒其王錦衣玉帶聶金履朔望冠百寶純
金冠其居以礪礪爲柱綠甘爲壁水晶爲瓦碌石爲
磚活石爲灰惟幕用百花錦官有丞相太尉各領兵
馬二萬餘人馬高七尺士卒驍勇民居屋宇略與中
國同市肆多金銀綾錦工匠技術咸精其能建炎三
年遣使奉寶玉珠貝入貢帝謂侍臣曰大觀宣和間

茶馬之政廢故武備不修致金人亂華危亡不絕如
綫今復捐數十萬楮以易無用之珠玉曷若惜財以
養戰士詔張浚却之優賜以答遠人之意紹興元年
復遣使貢文犀象齒朝廷亦厚加賜與而不貪其利
故遠人懷之而貢賦不絕

層檀國在南海傍城距海二十里熙寧四年始入貢
海道使風行百六十日經勿巡古林三佛齊國乃至
廣州其王名亞美羅亞眉蘭傳國五百年十世矣人
語音如大食地春冬暖貴人以越布纏頭服花錦白
氍布出入乘象馬有奉祿其法輕罪杖重罪歿穀有

稻粟麥食有魚畜有綿羊山羊沙牛水牛橐駝馬犀
象藥有木香血竭沒藥鵬砂阿魏薰陸產真珠玻璃
密沙華三酒交易用錢官自鑄三分其齊金銅相半
而銀居一分禁民私鑄正豐六年使保順郎將層伽
尼再至神宗念其絕遠詔頒賚如故事仍加賜白金
二千兩

龜茲本回鶻別種其國主自稱師子王衣黃衣寶冠
與宰相九人同治國事國城有市井而無錢貨以花
蓋布博易有米麥瓜果西至大食國行六十日東至
夏州九十日或稱西州回鶻或稱西州龜茲又稱龜

茲回鶻自天聖至景祐四年入貢者五最後賜以佛
經一藏熙寧四年使李延慶曹福入貢五年又使盧
大明篤都入貢紹聖三年使大首領阿連撒羅等三
人以表章及玉佛至洮西熙河經略使以其罕通使
請令於熙秦州博買而估所自物價答賜遣還從之
沙州本漢燉煌故地唐天寶末陷于西戎大中五年
張義潮以州歸順詔建沙州爲歸義軍以義潮爲節
度使領河沙甘肅伊西等州觀察營田處置使義潮
入朝以從子惟深領州事至朱梁時張氏之後絕州
人推長史曹義全爲帥義金卒子元忠嗣周顯德二

年來貢授本軍節度檢校太尉同中書門下平章事
鑄印賜之建隆三年加兼中書令子延恭爲瓜州防
禦使興國五年元忠卒子延祿遣人來貢贈元忠燉
煌郡王授延祿本軍節度弟延晟爲瓜州刺史延瑞
爲衙門都虞候咸平四年封延祿爲譙郡王五年延
祿延瑞爲從子宗壽所害宗壽權知留後而以其弟
宗允權知瓜州表求旌節乃授宗壽節度使宗允檢
檢尚書左僕射知瓜州宗壽子賢順爲衙內都指揮
使大中祥符末宗壽卒授賢順本軍節度使延惠爲
檢校刑部尚書知瓜州賢順表乞金字藏經洎茶藥

金箔詔賜之至天聖初遣使來謝貢乳香珊瑚玉團
自景祐至皇祐中凡七貢方物平軍曾與對或惠為
拂菻國東南至滅力沙北至海皆四十程西至海三
十程東自西大食及于闐回紇青唐乃抵中國歷代
未嘗朝貢元豐四年十月其王滅力伊靈改撒始遣
大首領你厮都令厮孟判來獻鞍馬刀劍真珠言其
國地甚寒土屋無瓦產金銀珠西錦牛羊馬獨峰馳
梨杏千年棗巴欖粟麥以蒲萄釀酒樂有箜篌壺琴
小箏篋偏鼓王服紅黃衣以金線織絲布纏頭歲三
百則詣佛寺坐紅床使人舁之貴臣如王之服或青
綠緋白粉紅黃紫並纏頭跨馬城市田野皆有首領
主之每歲惟夏秋兩得奉給金錢錦縠帛以治事大
小為差刑罰罪輕者杖數十重者至二百大罪則盛
以毛囊投諸海不尚鬪戰鄰國小有爭但以文字來
往相詰問事大亦出兵鑄金銀為錢無穿札面鑿彌
勒佛背為王名禁民私造元祐六年其使兩至詔別
賜其玉帛二百匹白金瓶襲衣金束帶

列傳卷第二百四十九

列傳卷第二百四十六
其正鼎三百四白金...
博物皆為王各禁...
其正鼎三百四白金...
博物皆為王各禁...
其正鼎三百四白金...
博物皆為王各禁...

列傳卷第二百五十一 宋史四百九十一 其國全

開府儀同三司桂國鑾國軍事前中書丞相穆國史領選事都總管脫脫等奉

勅修

外國七

流球國 定安國 渤海國

日本國 党項

流求國在泉州之東有海島曰澎湖烟火相望其國

塹柵三重環以流水植棘為藩以刀稍弓矢劍鼓為

兵器眎月盈虧以紀時無他奇貨商賈不通厥土沃

壤無賦歛有事則均稅旁有毗舍邪國語言不通租

裸肝睢殆非人類淳熙間國之酋豪嘗率數百輩猝
至泉之水灣圍頭等村肆行殺掠喜鐵器及匙筋人
閉戶則免但刳其門圈而去擲以匙筋則頰拾之見
鐵騎則爭刳其甲駢首就戮而不知悔臨敵用標鎗
繫繩十餘丈爲操縱蓋惜其鐵不忍棄也不駕舟楫
惟縛竹爲筏急則羣舁之泗水而遁

定安國本馬韓之種爲契丹所攻破其酋帥糾合餘
衆保于西鄙建國改元自稱定安國開寶三年其國
王烈萬華因女真遣使入貢乃附表貢獻方物太平
興國中太宗方經營遠略討擊契丹因降詔其國令

張犄角之勢其國亦然寇讐侵侮不已聞中國用兵
北討欲依王師以攄宿憤得詔大喜六年冬會女真
遣使來貢路由本國乃托其使附表來上云定安國
王臣烏玄明言伏遇聖主洽天地之恩撫夷貊之俗
臣玄明誠喜誠抃頓首頓首臣本以高麗舊壤渤海
遺黎保據方隅涉歷星紀仰覆露鴻鈞之德被浸漬
無外之澤各得其所以遂本性而頃歲契丹恃其強
暴入寇境土攻破城砦俘略人民臣祖考守節不降
與衆避地僅存生聚以迄于今而又扶餘府昨背契
丹並歸本國災禍將至無大於此所宜受天朝之密

畫率勝兵而助討必欲報敵不敢違命臣玄明誠懇
誠願頓首頓首其末題云元興六年十月日定安國
王臣玄明表上聖皇帝前上答以詔書曰勅定安國
王烏玄明女真使至得所上表以朕嘗賜手詔諭旨
且陳感激卿遠國豪帥名王茂緒奄有馬韓之地介
于鯨海之表疆敵吞併失其故土沉寃未報積憤奚
伸矧彼獯戎尚搖蠱毒出師以薄代乘夫天災之流
行敗衄相尋滅亡可待今國家已于邊郡廣屯重兵
只俟嚴冬卽申天討卿若能追念累世之恥宿戒舉
國之師當予伐罪之秋展爾復仇之志朔漠底定爵
賞有加宜思永圖無矢良便而况渤海願歸於朝化
扶餘已背於賊庭勵乃宿心糾其協力克期同舉必
集大勲尚阻重溟未遑遣使倚注之切鑒寐寧忘以
詔付女真使令齎以賜之端拱二年其五子因女真
使附獻馬雕羽鳴鏑淳化二年其王子太原女真使
上表其後不復至

渤海本高麗之別種唐高宗平高麗從其人居中國
則天萬歲通天中契丹攻陷營府高麗別種大祚榮
走保遼東睿宗以爲急汗州都督封渤海郡王因自
稱渤海國併有扶餘肅慎等十餘國歷唐梁後唐朝

貢不絕後唐天成初爲契丹阿保機攻扶餘城下之
改扶餘爲東丹府命其子突欲留兵鎮之阿保機死
渤海王復攻扶餘不能克歷長興清泰遣使朝貢周
顯德初其酋豪崔烏斯等三十人來歸其後隔絕不
能通中國太平興國四年太宗平晉陽移兵移州其
酋帥大鸞河率小校李勛等十六人部族二百騎來
降以鸞河爲渤海都指揮使六年賜烏合城清渝府渤
海琰府王詔曰朕纂紹丕構奄有四海普天之下罔
不率俾矧太原封域國之保障頃因竊據遂相承襲
倚遼爲援歷世逋誅朕前歲親提銳旅盡護諸將板

不許懿州刺史田漢瓊綿州刺史田漢希上言願兩
易其地詔從之又以知叙州舒德郛爲刺史雍熙元
年黔南言溪峒夷獠疾病擊銅鼓沙鑼以祀神鬼詔
釋其銅禁淳化二年知晃州田漢權言本管砂井步
夷人粟忠獲古晃州印一鈕來獻因請命以漢權爲
晃州刺史又以五溪諸州統軍鶴州刺史向通權爲
富州刺史從其請也是年荆湖轉運使言富州向禹
通殺皮師勝父子七人取五藏及首以祀魔鬼朝廷
以其遠裕令勿問三年晃州刺史田漢權錦州刺史
田保全遣使來貢五年以舒德言爲元州刺史獎

晃叙懿元錦費福等州皆來貢上親視器幣以賜之至道元年高州溪州並來貢二年上親祀南郊富州刺史向通漢上言聖人郊祀恩浹天壤况五溪諸州連接十洞控西南夷戎之地惟臣州自昔至今爲辰州墻壁障護辰州五邑王民安居臣雖僻處遐荒洗心事上伏望陛下察臣勤王之誠因茲郊禮特加真命詔加通漢檢校司徒進封河內郡侯咸平元年通漢又言請定租賦真宗以荒服不征弗之許其年古州刺史向通展以芙蓉朱砂一器馬十匹水銀千兩來獻詔有司鑄印以賜通展二年以下溪州刺史彭

裔然善隸書而不通華言問其風土但書以對云國中有五經書及佛經白居易集七十卷並得自中國土宜五穀而少麥交易用銅錢文曰乾文大寶畜有水牛驢羊多犀象產絲蠶多織絹薄緻可愛樂有國中高麗二部四時寒暑大類中國國之東境接海島夷人所居身面皆有毛東奧州產黃金西別島出白銀以爲貢賦國王以王爲姓傳襲至今王六十四世文武僚吏皆世官其年代紀所記云初主號天御中主次日天村雲尊其後皆以尊爲號次日天八重雲尊次日天彌聞尊次日天忍勝尊次瞻波尊次萬魂尊次利

利魂尊次國狹槌尊次角龔魂尊次汲津丹尊次面
垂見尊次國常立尊次天鑑尊次天萬尊次沫名杵
尊次伊奘諾尊次素戔嗚尊次天照大神尊次正哉
吾勝速日天押穗耳尊次天彥尊次炎尊次彥瀲尊
凡二十三世並都於筑紫日向宮彥瀲第四子號神
武天皇自筑紫宮入居大和州橿原宮即位元年甲
寅當周僖王時也次綏靖天皇次安寧天皇次懿德
天皇次孝昭天皇次孝天皇次孝靈天皇次孝元天
皇次開化天皇次崇神天皇次垂仁天皇次景行天
皇次成務天皇次仲哀天皇國人言今爲鎮國香椎

大神次神功天皇開化天皇之曾孫女又謂之息長
足姬天皇國人言今爲大柰良姬大神次應神天皇
甲辰歲始於百濟得中國文字今號八蕃菩薩有大
臣號紀武內年三百七歲次仁德天皇次履中天皇
次反正天皇次允恭天皇次安康天皇次雄略天皇
次清寧天皇次顯宗天皇次仁賢天皇次武烈天皇
次繼體天皇次安開天皇次宣化天皇次天國排開
廣庭天皇亦名欽明天皇卽位十一年壬申歲始傳
佛法於百濟國當此土梁承聖元年次敏達天皇次
用明天皇有子曰聖德太子年三歲問十人語同時

解之七歲悟佛法于菩提寺講聖賢經天兩曼陀羅
華當此土隋開皇中遣使泛海至中國求法華經次
崇峻天皇次推古天皇欽明天皇之女也次舒明天
皇次皇極天皇次孝德天皇白雉四年律師道照求
法至中國從三藏僧玄奘受經律論當此土唐永徽
四年也次天豐財重日足姬天皇次僧智通等入唐
求大乘法相教當顯慶三年次天智天皇次天武天
皇次持總天皇次文武天皇大寶三年當長安元年
遣粟田真人入唐求書籍律師道慈求經次阿閉天
皇次皈依天皇次聖武天皇寶龜二年遣僧止玄昉

入朝當開元四年次孝明天皇聖武天皇之女也天
平勝寶四年當天寶中遣使及僧入唐求內外經教
及傳戒次天炊天皇次高野姬天皇聖武天皇之女
也次白壁天皇二十四年遣二僧靈仙行賀入唐禮
五臺山學佛法次桓武天皇遣騰元葛野與空海大
師及延歷寺僧澄入唐詣天台山傳智者止觀義當
元和元年也次諾樂天皇次嵯峨天皇次淳和天皇
次仁明天皇當開成會昌中遣僧入唐禮五臺次文
德天皇當大中年間次清和天皇次陽成天皇次光
孝天皇遣僧宗睿入唐傳教當光啓元年也次仁和

天皇當此土梁龍德中遣僧寬建等入朝次醍醐天
皇次天慶天皇次封上天皇當此土周廣順年也次
冷泉天皇今爲太上天皇次守平天皇卽今王也凡
六十四世畿內有山城大和河內和泉攝津凡五州
共統五十三郡東海道有伊賀伊勢志摩尾張參河
遠江駿河伊豆甲斐相模武藏安房上總常陸凡十
四州共統一百一十六郡東山道有通江美濃飛驒
信濃上野下野陸奧出羽凡八州共統一百二十二
郡北六道有狹越前加賀能登越中越後佐渡凡七
州共統三十郡山陰道有丹波丹後但馬因幡伯耆

出雲石見隱伎凡八州共統五十二郡小陽道有播
磨美竹備前備中備後安藝周防長門凡八州共統
六十九郡南海道有伊紀淡路河波讚耆伊豫土佐
凡六州共統四十九郡西誨道有筑前筑後豐前豐
後肥前肥後日向大隅薩摩凡九州共統九十三
郡人有壹伎對馬多禰凡三島各統二郡是謂五畿
七道三島凡三千七百七十二都四百一十四驛八
十八萬三千三百二十九課課丁之外不可詳見皆
齋然所記云按隋開皇二十年倭王姓阿每名自多
利思比孤遣使致書唐永徽五年遣使獻琥珀馬腦

長安二年遣其朝臣真人貢方物開元初遣使來朝
天寶十二年又遣使來貢元和元年遣高階真人來
貢開成四年又遣使來貢此與其所記皆同大中光
啓龍德及周廣順中皆嘗遣僧至中國唐書中五代
史失其傳唐咸亨中乃開元二十三年大曆十二年
建中元年皆來朝貢其記不載太宗召見喬然存撫
之甚厚賜紫衣館于太平興國寺上聞其國王一姓
傳繼臣下皆世官因歎息謂宰相曰此島夷耳乃世
祚遐久其臣亦繼襲不絕此蓋古之道也中國自唐
季之亂寓縣分裂梁周五代享歷尤促大臣世胄鮮

能嗣續朕雖德慙往聖常夙夜寅畏講求治本不敢
暇逸建無窮之業垂可久之範亦以為子孫之計使
大臣之後世襲祿位此朕之心焉其國多有中國典
籍喬然之來復得孝經一卷越王孝經新義第十五
一卷皆金縷紅羅標水晶為軸孝經即鄭氏注者越
王者乃唐太宗子越王貞新義者記室參軍任希古
等撰也喬然復求詣五臺許之令所過續食又求印
本大藏經紹亦給之二年隨台州寧海縣商人鄭仁
德船歸其國後數年仁德還喬然遣其弟子喜因奉
表來謝曰日本國東大寺大朝法濟大師賜紫沙門

奮然啓傷鱗入夢不忘漢主之恩枯骨合歡猶亢魏
氏之敵雖云羊僧之拙誰忍鴻霈之誠奮然誠惶誠
恐頓首頓首死罪奮然附商船之離岸期魏闕於生
涯望落日而西行十萬里之波濤難盡顧信風而東
別數千里之山嶽易過妄以下根之卑適詣中華之
盛於是宣旨頻降恣許荒外之跋涉宿心克協粗觀
寓內之瓌竒况乎金闕曉後望堯雲於九禁之中巖
扃晴前拜聖燈於五臺之上就三藏而稟學巡數寺
而優游遂使蓮華迴文神筆出於北闕之北貝葉印
字弗詔傳於東海之東重蒙宣恩忽起來跡季夏

台州之纜孟秋達本國之郊爰逮明春初到舊色緇
素欣待侯伯慕迎伏惟陛下惠溢四溟恩高五嶽世
超黃軒之古人直金輪之新奮然空辭鳳凰之窟更
還螻蟻之封在彼在斯只仰皇德之盛越山越海敢
忘帝念之深縱粉百年之身何報一日之惠洙筆拭
淚伸紙搖魂不勝慕恩之至謹差上足弟子傳燈大
法師位嘉因并大朝剃頭受戒僧祚乾等拜表以聞
稱其本國永延二年歲次戊子二月八日實端拱元
年也又別啓貢佛經納青木函琥珀青紅白水晶紅
黑木榎子念珠各一連並納螺鈿花形平函毛籠一

納螺杯二口葛籠一納法螺二口染皮二十枚金銀
蔣繪篋一合納髮鬘二頭又一合納參議正四位上
藤佐理手書二卷及進奉物數一卷表狀一卷又金
銀蔣繪硯一篋一合納金硯一鹿毛筆松烟墨金銅
水瓶鐵刀又金銀蔣繪扇篋一合納檜扇二十枚編
蝠扇二枚螺鈿梳函一對其一納赤木梳二百七十
其一納龍骨十撮螺鈿書案一螺鈿書几一金銀蔣
繪平篋一合納白細布五匹鹿皮籠一納貂裘一領
螺鈿鞍轡一副銅鐵鐙紅絲鞦泥障倭畫屏風一雙
石流黃七百斤咸平五年建州海賈周世昌遭風

至日本凡七年得還與其國人滕木吉至上皆召見
之世昌以其國人唱和詩來上詞甚雕刻膚淺無所
取詢其風俗云婦人皆被髮一衣用二三縑又陳所
記州名年號上令滕木吉以所持木弓矢挽射矢不
能遠詰其故國中不習戰鬪賜木吉時裝錢遣還景
德元年其國僧寂照等八人來朝寂照不曉華言而
識文字繕寫甚妙凡問答並以筆札詔號圓通大師
賜紫方袍天聖四年十二月明州吉口本國大宰府
遣人貢方物而不持本國表詔却之其後亦未通朝
貢南賈時有傳其物貨至中國者熙寧五年有僧誠

尋至台州止天台國清寺願留州以聞詔使赴闕誠
尋獻銀香爐木榼子白琉璃五香水精紫檀琥珀所
飾念珠及青色織物綾神宗以其遠人而有戒業處
之開寶寺盡賜回來僧紫方袍是後連貢方物而來
者皆僧也元豐元年使通事僧仲回來賜號慕化懷
德大師明州又言得其國太宰府牒因使人孫忠還
遣仲回等貢純二百匹水銀五千兩以孫仲乃海商
而真禮與諸國異請自移牒報而答其物直付仲回
東歸從之乾道九年始附明州綱首以方物入貢淳
熙二年倭船火兒滕太明毆鄭作死詔械太明付其

綱首歸治以其國之法三年風泊日本舟至明州衆
皆不得食行乞至臨安府者復百餘人詔人日給錢五
十文米二升俟其國舟至日遣歸十年日本七十三
人復飄至秀州華亭縣給常平義倉錢米以振之紹
熙四年泰州及秀州華亭縣復有倭人爲風所泊而
至者詔勿取其貨出常平米振給而遣之慶元六年
至平江府嘉泰二年至定海縣詔並給錢米遣歸國
党項古析支之地漢西羌之別種後周世始強盛有
細風氏費聽氏徃利氏頗超氏野亂氏房當氏來禽
氏招拔氏最爲強族唐貞觀至上元間內附散居西

北邊元和以後頗相率爲盜會昌初武宗置三使以統之在邠寧延者爲一使在鹽夏長澤者爲一使在靈武麟勝者爲一使五代亦嘗入貢今靈夏綏麟府環慶豐州鎮戎天德振武軍並其族帳太祖建隆二年代州刺史折也埋來朝也埋党項之大姓世居河右有捍邊之功故授以方州召令入覲而遣還開寶元年直蕩族首領啜佶等引并人寇府州爲王師所敗詔內屬羌部十六府大首領屈遇與十二府首領羅崖領所部誅啜佶啜懼以其族歸順以屈遇爲檢校太保歸德將軍羅崖啜佶並爲檢校司徒懷化將軍太平興國二年二月靈州部送歲市官馬賂所過族帳物粗惡羌人恚不受知州比部郎中張全操捕得十八人殺之没入其兵仗羊馬戎人遂擾上遣使齎金帛撫賜其族與之盟始定召全操下有司鞠之決杖流登州沙門島是歲靈州通遠軍界嚩咩族折四族吐蕃村族柰啗三家族尾落族柰家族嚩泥族飄略官綱詔靈州安守忠通遠軍董遵誨討平之六年府州外浪族首領來都等來貢馬七年豐州大首領黃單并弟乞蚌等來貢馬又銀州羌部招跋遇來訴本州賦役苛虐乞移居內地詔令各守族帳又保

細族結集扇動諸部夏州巡檢使梁迥率兵討平之
雍熙初諸族渠帥附李繼遷爲寇詔判四方館事田
仁朗及閣門使王侁等相繼領兵討擊并賜麟府銀
夏豐州及日利月利族勅書招諭之二年四月侁等
於銀州北破悉利諸族斬首三千六百餘級生擒八
十人俘老小一千四百餘口噐甲一百八十六梟僞
署代州刺史折羅遇并弟埋乞獲馬牛羊三萬計五
月又於開光谷西杏子平破保寺保香族追奔二十
餘里斬首八百餘級梟其首領埋九已等五十七人
生擒四十九人俘其老小二百餘人獲牛羊馬驢凡

四千餘計又破保洗兩族俘三千人降五十五族獲
牛羊八千計以等又言麟州及三族砦羌人二千餘
戶皆降酋長訶御也等六十四人獻馬首罪願改圖
自効爲國討賊遂與部下兵入濁輪川斬賊首五十
級酋豪二十八人李繼遷及三族砦監押折衝也皆遁
去旋命內客省使郭守文自三交乘驛亟往與王侁
等同領邊事五月王侁李繼隆等又破銀州杏子平
東北山谷內流邵浪悉訛等族及濁輪川東免頭川
西諸族生擒七十八人梟五十九人俘二百三十六
口牛羊驢馬十二百六十招降千四百五十二戶六

月夏州尹恩等引兵至監城吳移越移等四族來降
憲等撫之安加羅賊十四族拒命憲等縱兵斬首千
餘級俘擒百八焚千餘帳獲馬牛羊七千計又降銀
麟夏等州三族等諸部一百二十五族合萬六千一
百八十九戶酋豪折御也窮蹙來歸守文置之部下
又夏州咩族魔病人也崖在南山族結黨為寇招
懷不至擒斬之裝首狗衆并滅其族又府州女也族
首領來毋崖男社正等四附因遷居茗也族中七月
賜宥州界咩兀十族首領都指揮使遇也布等九人
勅書以安撫之十一月以勅浪族十六府大首領屈

遇名波族十二府大首領浪買當豐州路最為忠順
及兀泥三族首領佶移等女女四族首領殺越都等
歸化並賜勅書撫之端拱元年三月火山軍言河西
羗部直蕩族內附二年四月夏州趙保忠言臣準詔
市馬已獲三百匹其宥州御泥布囉樹等二族黨附
繼遷不肯賣馬臣遂領兵掩殺二百餘人擒百餘人
其族即降各已安撫詔書獎諭之十月繼遷寇會州
熟倉族為其首領咩唼率來離諸族擊走之淳化元
年藏才三族都州啜尾卒其子啜香來請命乃令代
其父二年七月以黃也族降戶七百餘散于銀夏州舊

地處之八月李繼遷居玉庭鎮趙保忠往襲之繼遷奔鐵斤澤貌奴猥才二族奪其牛畜二萬餘十一月繼遷寇熟倉族刺史咩唼率來離諸族擊退之先是兀泥大首領泥中佶移內附詔授慎州節度俄復歸繼遷其長子突厥羅與首領黃羅至是以千餘帳降府州折御卿以聞降詔慰諭之趙保忠又襲破宥州御泥布羅樹二族尋各降之以其朋附繼遷來上四年三月直蕩族大首領啜尾子河汭大首領馬一並來貢詔以啜尾叔羅買爲本族都監又啜尾下首領十人馬一下首領十二人皆賜錦袍銀帶器幣是年

鄭文寶獻議禁青鹽羌族四十四首領盟于楊家族引兵騎萬三千餘人入寇環州石昌鎮知環州程德玄等擊走之因詔屯田員外郎知制誥錢若水馳驛詣邊弛其鹽禁由是部族寧息十二月鹽州羌人酋長巢延渭爲本州刺史是年藏才西族大首領羅妹來貢五年正月以綏州羌酋蘇移山海夜母馱香三人並爲懷化將軍野利鬼名也屈啜泥三人並爲歸德郎將四月府州折御卿言銀夏州管勾生戶八千帳族悉來歸附錄其牛馬羊萬計邈二族大首領崖羅藏才東族首領歲囉啜克各遣其子弟朝貢六月

繼遷所驅脅內屬戎人橐駝路熟藏族首領也遇率部族反攻繼遷其弟力戰而死既敗繼遷之眾復來歸附以遇為檢校司空領會州刺史是年兀泥族首領黃羅內附以為懷化將軍領昭州刺史至道元年四月以勒浪鬼女兒門十六府大首領馬尾等內附以馬尾為歸德大將軍領息州刺史以勒浪樹李兒門首領沒崖為安化郎將副首領遇兀為保順郎將六月賜慶州界首領順州刺史李奉明澄州刺史李彥咩鹽州刺史巢延渭演州刺史李順忠環州界首領會州刺史也遇及靈州界并河外保安保靖諷河

懷遠定遠五鎮等部勅書慰撫之七月睡泥族首領你七逋令男詣靈州言族內七百餘帳為李繼遷劫略首領咩逋一族奔往蕭關你七逋一族乞賜救助詔賜以資糧環州熟倉族亂遇略奪繼遷牛馬三二餘繼遷令人招撫之亂遇答云吾一心向漢誓死不殺詔以遇為會州刺史賜帛五十匹茶五十斤二年三月以府州界五族大首領折實殿後為安遠大將軍父死來請命也六月勒浪族副首領遇兀等百九十三人歸附貢馬七匹遇兀舊隸契丹淳化初遷族帳於府州界東至河百五十里南至府州三百里至

是始朝貢上召問慰勞賜袍錦銀帶遇兀言部族多
良馬今始來朝所貢未備上曰吾嘉爾忠順之節慕
化來歸固不以多馬為意也七月李繼隆出討繼遷
賜麟府州兀泥中族大首領突厥羅文文殺族大首
領越都文文曼勒族大首領越移女女忙族大首領
越置女文雙兒族大首領党移沒兒族大首領莫宗
移路之族大首領越移細也族大首領慶元路才族
大首領羅保細母族大首領羅保保也凡十族勅書
招懷之閏七月懷安鎮羌誘諸族應慶州監軍趙鼎
昇率師擊敗之斬首三百級獲羊馬四千計三年二月

泥巾族大首領名悉俄首領皆移尹遇崔保羅沒佶
凡五人來貢馬名悉俄等舊皆內屬因李繼遷之叛
徙居河北今復來貢咸平元年三月熟倉族亂遇來
朝真宗嘉其誠節親見撫勞賜以器幣十月兀泥族
大首領昭州刺史黃羅對于崇德殿兀泥族在青岡
嶺三角城龍馬川領族帳千五百戶初隸繼遷俄投
府州淳化中數敗契丹及與繼遷相攻擊及繼遷內
附黃羅懼北徙過黃河今還舊地遂入貢且言繼遷
既受朝命不敢侵伐上面加獎慰賜賚甚厚十二月
詔直蕩族大首領鬼吸尾于金家堡置渡令諸族互

市二年五月以咩逋族開道使泥埋領費州刺史十月以勒浪族十六府大首領歸德大將軍恩州刺史馬泥領本州團練使十一月藏才八族大首領皆賞羅等來獻名馬四年七月以會州刺史乜遇爲保順郎將蘇家族屈尾鼻家族都慶白馬族埋香韋移族都香爲安化郎將九月環州言繼遷所掠羌族嵬逋等徙帳來歸又繼遷諸羌族明葉示及撲咩訛猪等首領率屬內附並令給善地處之其年卑寧族首領喝鄰半祝貢名馬自稱有精騎三萬願備驅策有詔慰獎厚償其直五年咩逋族開道使費州刺史泥埋

遣子城逋入貢上嘉泥埋數與繼遷戰聞有勞授歸州團練使以其族弟屈子爲懷化將軍克本族指揮使城逋爲歸德將軍克本族都巡檢使餘首領署軍主以下名識者凡十數人又以黑山北莊卽族龍移爲安遠大將軍昧克爲懷化將軍八月河西教練使李榮等向化其年羌寇抄金明縣李繼周擊走之十一月詔河西戎人歸投者遷內地給以閑田時勒厭麻等三族千五百帳以濁輪砦失守越河內屬分處邊境邊臣屢言勒厭麻往來賊中恐復叛夫乃徙買憲州獲煩縣遣使賜金帛撫慰十二月咩逋族遣使來

貢上聞賀蘭山有小涼大涼族甚盛常恐與繼遷合
勢為患近知互有疑隙輒相攻掠朝廷欲逐撫之乃
召問咩逋使者因其還特詔賜之以激其立効上又
謂樞密使王繼英等曰邊臣言遷賊舉兵屢為龍移
昧克所敗此族在黃河北數萬帳或號莊節昧克常
以馬附截才入貢頗勤外禦六年遂降詔獎慰之二
月葉市族囉埋等持繼遷偽署牒率百餘帳未歸以
囉埋為本族指揮使囉胡為軍使邠寧部署言牛羊
蘇家等族殺繼遷族帳有功上曰此族特遠與險久
為賊接屢遣邊吏招諭近聞有志內附尚疑其詐果

能格鬪立効詔厚賜首領等茶絲以獎激之涇原部
署言者龍移卑陵山首領厮敦琶遣使稱已集本族
騎兵願隨軍討賊三月以咩逋族首領泥埋領鄯州
防禦使充靈州河外五鎮都巡檢使時潘羅支已授
河西節制上以泥埋實與羅支犄角捍賊故加恩寵
是月綏州羌部軍使拽白等百九十五口內屬原州
熟戶裴天下等請率族兵掩擊遷黨移湖等帳來求
策應部署司不報上以戎人宣力禦賊不應沮之卽
詔諭諸路以精甲策應環州酋長蘇尚娘擊賊有勞
及屢告賊中機事以為臨州刺史賜錦袍銀帶環慶

部署張凝言內屬戎人與賊界錯居屢爲脅誘臣領兵離木波鎮直奏八州原下砦招降岑移等三十二族又至分水嶺降麻謀等二十一族柔遠鎮降巢迷等二十族遂抵業樂降移樹羅家等一百族合四千八十戶第給袍帶物綵慰遣還帳四月繼遷寇洪德砦酋長慶香與訛移慶族合勢擊之以砦兵策援大敗繼遷擒四十九人墜崖死者甚衆獲馬七十餘匹旗鼓鎧甲數百計上考陣圖以問入奏使使者言砦兵拒賊千餘步慶香等親率部族與賊接戰上曰慶香等假王師爲援而交鋒俘獲乃其功也悉與所獲

物加賜銀綵以慶香領順州刺史訛移慶領羅州刺史河西內屬折勒厥麻等三族請以精兵千人馬三百備征討詔嵐州撫諭環州白馬族與繼遷戰闔屢徙帳乏食賜廩粟又詔洪德砦歸附戎人給內地土田資以口糧五月唐龍鎮上言鎮有貿易于府州者爲州人邀殺盡奪資畜乃詔府州自今許令互市切加存撫六月瓦窰沒劑如羅昧克等族濟河擊敗繼遷黨優詔撫問七月補狸野族首領子阿宜爲懷安將軍八月原渭等州言本界戎人來附者八部二十五族今請吏納質以環州蘇尚娘子孽娘爲臨州刺

史府州八族都校明義等言屢于麟州屈野川擊繼
遷及緣邊六七柵防遏皆有克獲詔獎賚之仍令府
州常以勁兵援助勿失機便景德元年正月麟府路
言附契丹戎訖泥族拔黃太尉率三百餘帳內屬拔
黃本大族居黃河北古豐州前數犯邊阻市馬之路
其首領容貌甚偉有智勇桀黠難制契丹結之署爲
太尉今悉衆款塞詔府州厚賜茶絲給公田依險居
之計口賦粟且戒唐龍鎮無得侵擾三月宋師恭破
羌賊於柳谷川驅其帳族千餘人以還六月洪德砦
言羌裕羅泥天王等首領率屬來附八月野雞族侵

掠環慶界詔邊臣和斷如其不從則脅以兵威九月
鎮戎軍言先叛去熟魏族酋長茄羅兀賊成王等三
族應詔撫諭各率屬來歸二年熟戶旺家族擊夏兵
擒軍主一人以獻環州言戎人入寇擊走之擒酋將
慶多者送闕下請斬于橐街上特貫死配淮南原州野
狸族首領廝多逋丹卒其子阿酌代爲首領且乞奉
料詔諭以立功則賜之三年府州折惟昌言兀泥族
大首領名崖從父盛佶爲趙德明白池軍主密遣使
諭名崖云德明雖外託脩貢之名而黠閱兵馬尤急
必恐劫掠山界名崖以告上嘉之降詔撫諭就賜錦

袍銀帶九月秦州言野兒和尚族部落尤大能稟朝
命凡諸族爲寇盜者輒遏絕之請加族補三砦都
首領十一月鎮戎軍曹瑋言叛去酋長蘇尚娘復求
歸附詔報瑋曰尚娘反覆無信特恐徂詐以誤邊吏
又使德明緣此爲詞不可納也四年唐龍鎮羌族來
不叶召契丹破之來依府州璘美非大
族嘗持兩端頃亦寇鈔近界發兵趣之則走河之東
曰東壩契丹加兵則入河之西曰西壩地極險阻介
卒騎兵所不能及至是上亦憫其窮而款塞特優容
之會契丹使至卽令諭其事仍還所掠璘美人畜其

族人懷正又與璘互相讐劫側近帳族不寧詔遣使
召而盟之依本俗法和斷大中祥符元年鄜延鈐轄
言小湖臥浪族軍主最處近塞往時出師皆命爲前
鋒甚著誠節詔補侍禁二年六月麟府鈐轄言杜慶
族依援唐龍鎮數侵別帳請發熟戶兵擊之上曰戎
落皆吾民也宜以道撫之不許其年九泥族大首領
名崖同府州折惟昌入貢上親加撫間特詔副都知
張繼能賜射於瓊林苑四年藏才西族中族首領奴
移橫全等並遣子來朝五年環慶熟戶有酗酒劫奪
使臣馬纓者上怒令部署司重罰之六年北界尅山

軍生率衆過大里河侵熟戶爲羅勒族都囉擊走之
詔以都囉爲本族指揮使且諭邊臣約飭族帳謹守
疆界勿出境追襲九月夏州略去熟戶旺家族首領
都子等來歸隨而至者又三族遣使存勞之七年涇
原鈐轄曹瑞請署熟戶百帳以上大首領爲大族軍
主次指揮使又次副指揮使百帳而下爲本族指揮
使從之五月瑋言葉市族大首領艷奴歸順七月瑋
又言北界萬子族謀鈔略發兵逆之大敗于天麻川
又爲魏理等族掩擊殺其酋帥斬首千餘級八年北
界酋長指揮使浪梅娘等來投諭邊臣令追取熟戶

亡入北界者卽遣還梅娘九年羌兵寇小力族巡檢
李文貞率兵奮擊追斬籍遇大保首級賜文貞錦袍
銀帶五月北界毛尸族軍主浪埋骨咩族酋長眦唱
巢迷族酋長馮移埋率其屬千一百九十口牛馬雜
畜千八百歸附降詔撫之天禧元年環州言北界騎
兵數千來剽熟戶擊走之二年涇原路言樊家族九
門都首領客廝鐸內屬以廝鐸爲軍主三年鄜延路
言亡去熟戶委乞等六百九十五人及骨咩大門等
族來歸四年正月又言宥州羌族臘兒李衆劫熟戶
咩魏族金明都監李士彬擊之斬臘兒等七十二級

俘餘衆獲甲馬三百餘五月小湖族都虞候喏鬼巡
檢胡懷節等擊賊有功並進秩環州七日族軍主近
臆納質歸化以近臆領順州刺史首領惹都等十五
人補官有差七月撲咩族馬訛等率屬來附十月以
淮安鎮六族都軍主乞埋爲三班借職充羌部巡檢
五年北界羅骨等劫剽熟戶環慶部署田敏追擊之
俘獲甚衆詔獎敏等賜器幣

列傳卷第二百五十

